

湖
海
詩
傳

湖海詩傳卷三十二

青浦王 昶德甫輯

程晉芳

初名廷鑽字魚門號莪園歙縣人乾隆二十七年召
試賜內閣中書三十六年成進士官吏部主事以校
勘四庫全書改編修有莪園全集

蒲褐山房詩話魚門素傳藏書家本素封而覃研典籍虛懷求益少間觀義於從叔
廷祥學古文於劉海峯大魁又與商賈意貴子才唱和故博聞宏覽而才情豐潤詩
文並造其勝然游宦三十餘年家無落無以自給為乞米計至關中府署而後歸
秋晚撫軍留其著作存於終南仙館凡十餘年而畢氏籍沒其書遂不可考惟聞春
秋經義尚存於門人謝編
修振定所然亦未付雕鐫

夜夢袁簡齋是日簡齋書至因作詩寄之

昨夜夢尋君迢迢渡江水官舍月微明握手花陰裏各言長
相思餘論及文體覺來雞未鳴殘燈弄餘盞是日君使來果

得書一紙乃知精神合魂魄已潛擬之子抱天懷咳唾落珠
玕作吏非所難苦滯百寮底况是絳霄人何堪久塵滓讀書
結初願有田誓歸矣而我子然身百憂浩所委惟君憐我深
義與殷顏比別易見面稀得書時復喜大江多風濤舟楫慎
所使嘲啾百鳥羣乘春競人耳孤禽獨不鳴高樹永棲止感
物思遠人觀時悟生理庶幾各自愛黽勉固終始

山行

秋山多白雲峰勢與雲變巖岫淡冥濛磻壑互隱現有如皴
染家濃淡着素絹俄驚山無根雲氣平抹斷縈紆雲作態峰
路逐雲轉須臾長風來雲淨山悉見偉哉造化功頃刻千狀
換慰此行旅艱極目信忘倦

愛黽詩爲王梅沂作

烏圓雖柔馴所志惟搏擊區區常畜耳何用重憐惜吾友梅
洪翁好之遂成癖種勿辨珍奇毛勿取錦織裏鹽向僧換貫
索從市得豈惟資魚乙亦且分肉食桃笙聽晏眠花影撲狼
籍懷袖一撫摩俯首笑啞啞我前爲致詞子亦太癡劇右軍
愛籠鶯神契在筆畫支公賞神駿所嗜乃逸格彼皆有寓意
而豈盡沉溺今子胡好爲玩物作無益寧伸唐宮冤悲附義
府魄朝聞瓦盆翻夕訝鄰雞磔護短而憑愚奚不速自克支
顧初不答徐徐乃爲釋人生各有好彼此勿互易禮經載八
蜡農事渠有力珠光一圍轉線以子午測紗帷傍張搏穿柳
聘魯直稱曰玉狻猊被以金鎖勒誰張雪姑榜孰向臨安索
楚金七十事事事典以則昌黎美相乳用以表仁澤吾生本
貧賤萬里一書策破帽不改新破衣不加飾夫豈盡攫鼠而

有護防責吾但取其名徐乃謀功績飢惟盡一簞功足蕩四
壁時時看洗面淪茗待佳客亦復錫嘉名應聲如僕役錦堂
璫瑜春我但敗瓊席雲圖抵數金我以百錢覓余方媿負若
何乃動譏斥况余久羈滯寒坐冰雪宅獨酌一壺春左右伴
岑寂宵分共臥起氣暖若裘褐既非衛侯鶴乘軒喪厥國又
異葉公龍瞥見心膽惕黃耳鬱高墳事不厭奇特子方嗔子
迂慎勿謂我惑我聞輒拊掌所論良亦得豈惟謝子過且使
余悅憚客游多歲月此輩宜物色贈子毛穎雙舁我銜蟬隻
讀商司馬寶意詩題後

潞河南下流波潏水驛山村倦臨覽閑把君詩枕上看冷吟
驚破魚龍膽霏煙拂霧紛變態陶汰工夫出夷憺泠泠清響
脉通池往往初日味同攬珍厨鹽豉豈異味要在饗人善和

慘就中妙境難舉似醺醺微香發新茵堂堂旗鼓列雄師韓
魏依然自視歌憶從南園掘君手若樹亭亭鋪碧琰揮毫落
紙君自擅分騎揚鏹吾豈敢金臺夕寺共追尋九陌新秋轡
同攬歸驂淮水葉蕭騷去棹巴江雲黯黯竹王山鬼互將迎
熒烏蠻花增怨惜大江春早重登艫澎湃奔濤驚習坎集中有鷺
詩四律匆匆燕市一相逢草草杯盤論坎壈卅年銅綬滯青衫
如此儒冠困丹槩卽看車馬尙難棲那得功名追燕領徒勞
琢句腎肝瘦或恐搜奇天地慘江鄉隨處有尊鱸箬笠差宜
傲珩紉秫田二頃待同耕願與先生披錦照懷人掩卷暮愁
生浙浙涼風吹亂莢

日月合璧祝歌

端溪下崑久著名就中最美稱水坑良工琢石如琢玉沐日

浴月揚其英太空無雲蕩晴旭下有海水涵金精雨儀合度
儼合璧五緯列宿韜光晶邊髯錦囊貯此硯吳頭楚尾都隨
行多年珍好落吾手信有天意非人爭蒼蒼者烏駿者兔轉
九歲月無停征磨人墨汁磨墨硯使我終老勤耘耕斧形風
字載常譜此硯一出逾瑤瑛質溫密栗縵紋理表靈發異矜
廉清曾聞龍鱗賜天府明良作輔承嘉榮放翁軍帳坐草檄
撫時泐硯心太平今我清時一韋布寶此異物將安營刻鏤
風露笑通倪攜持場屋羞僉倖逝將移贈天祿史表忠燭佞
司權衡卽今隨身徧南北山經地志閒商評眼中何從起翳
障胸次願得長光明詩成閑筆一笑粲夕陽纔下金波橫

侯夷門題畫詩十二首余於李芋圃太史齋壁見之
嘆諷良久瀕行芋圃以侯詩書扇見遺作詩志之

侯生使筆如奔驥掣電崩雲千里逝錦韁繡鞅不勞施峻阪
層崖豈防墜發狂使氣氣益雄埋頭渴飲千觥空自矜奇節
類遠祖抱關擊柝將無同昔年共我游春墅名士座中多楚
楚放縱寧嫌十丈長搖筆如風目如炬就中金玉兼泥沙旁
觀竊笑爭譏譁要其才氣萬人敵畢生不遇堪咨嗟殘秋獨
上南朝塔大風搖山黑雲匝忽然狂笑忽號咷滾滾江流響
相雜重來淮水颺輕舟五月尙着青羊裘題詩哭奠水南老
鬼語荒忽悲呶呶江干作尉怪疾起一夕醢醢廁中死清流
若輩濁流投造物憐才竟如此壁間題畫十二詩我來京邸
偶見之文從字順尙難解要當配食樊宗師翰林李君書法
好每道匆匆不暇草仰家扇子寫侯詩送我遠返江南道斜
行密構皆通神義耶獻耶恐亂真豈惟鄭重別余意君與侯

生亦故人涼風十月迎馬首把玩循環不離手流傳他日到
何人名墨遺詩俱不朽

和洪江伯父彈指閣老樹爲風雨所拔用少陵栴樹
韻

婆娑老樹佛閣前疎枝蠹葉不計年曉映明河挂珠斗夜承
墜露棲幽蟬涼秋七月風雨至大塊吹噓紛怒氣拔地還疑
鬼神力掃空已斷雲烟意憶昔游人爭賞愛青青密蔭圓如
蓋空餘古砌淨流塵無復清飈送高籟老僧禪懷少荊棘小
劫無爲感中臆欲識根株生滅緣舉頭華月澄秋色

韓幹神駿圖

兀如山立如風旋力躡電影馳其前高巔雙壁夾雨觀長鳴
思勢仰視天非花非駁非連錢沃雪遍體銀絲纏奚官脫帽

衣袒偏志不在馬耽清泉怒塵一洗毛鬣鮮耀日不復煩鞍
蹻涉水水底蒸雲煙蹄間錯落流珠濺道人注目意靜便相
賞逸格通高禪奚官羈鷹捉老拳搜身擇肉思秋田矯矯元
度跛脚眠桐花下墜清露妍奇姿絕態咫尺傳筆無瑕痕墨
彩圓目以韓幹然不然先生曹霸差齊肩肉不露骨骨益堅
一藝所到參幽元殘縑寸斷神則全渥注精氣連星躔支公
不作誰爲憐駕轅服阜紛闕闕千金市此勿舍旃丹青未必
留空筌

仇實父漢宮春曉圖

澄霞舒卷天半紅流鶯細囀晴煙中韶春先到樂游苑金鋪
玉砌光融融翠微五柞連駟娑千門盡啟歲華鎖寶鏡當樓
理曉雲玉鈿勻鬢簪嬌朶靖花宮婢雲垂衣驚起峽蝶成團

飛柳絲低嬋不能舞九華殿裏東風微惟有昭陽春最艷珠
壁金釭燈灩灩紫燕休尋別殿巢文鴛競向迴塘占何處離
宮抱怨深夢迴隱隱聽車音青陽不道凌朝轉皓月還看到
曉沉十洲作畫工雕繪此卷傳神信爲最似經新露長芳苔
如有柔風動羅帶君不見露寢離宮歲歲新承恩並輦古無
倫一朝帳殿生秋草三十六宮誰是春行人曾過驪山下野
土青紅沒鴛瓦蕭森古木嘯愁鴟落日寒聲起平野繁華如
此空摧殘不如長向圖中看

父庚觚

尋收積氣凝堅剛銅英布濩草木黃何年採鍊鑄法物破觚
爲圓稱有商商人敬鬼惡不祥制器立象殊精良雷紋震疊
百物懼獲養森列羣邪滅尊彝鼎觚觶爵觴因時備用各有

常觚戒德孤寓深意如置監史立兩旁數千百載韜古光何
人掘取歸緘囊想當埋瘞向深土重苔野火增青蒼輕雲油
油覆煌煌相對肅穆嚴冠裳父庚之銘義何取篆法直逼誦
與蒼十千作名厥旨彰亦如祖丙父乙難追詳或云字跡尙
垂穎無乃祈穀供蒸嘗勾吳於越米價昂斗錢四百嗟奇荒
上天殷念恤黔赤五風十雨肥秋秧禾頭斑斑麥吐芒庚金
成寶司西方宜舉此觚蒼天貺灌實鬱鬯羞馨香職思其居
寶稼穡母使沉酒譏太康

太白樽

紫窰片瓦蔽拱壁何況世遠誇唐磁竭來傳觀形製古龍文
圾碎銜雙螭云是太白狂飲之酒器其說杳渺難深稽質純
袖細色澤厚當是宋人摹倣之所爲堂堂謫仙人矯矯翔鸞

姿紫宮青府不稱意偶來人世窮兒嬉長安道上馳入姨楊
花撩亂天迷離心知禍亂口不語胸中磊塊澆干庖金龜賀
監解玉硯妃子持將軍脫鞵不足顧彩毫落紙驚淋漓江南
蜀道頻流移子規叫血猿猿悲糟邱麴壘氣彌壯春江吸盡
青琉璃團團牛渚月湛湛謝公池手撫力士鎗笑把桑落枝
飄然騎鯨忽歸去天風吹髮涼絲絲金門歲星不可見但見
柳旁三點颺酒旗殘杯剩勺到處有後人傳寶如瓊琦此爵
遺製特奇古想見醉倒冠巾欹嗟我兩長無一得不能豪飲
兼吟詩劍瓶在手汲新水插花植卉爲清怡沉香亭畔牡丹
少一枝隨分新胭脂

景陽鐘歌

靈谷寺裏有古鐘赤苔斑駁翠薜濃傳是景陽宮中之法物

多年零落塵埃封其製稍狹高二尺旋蟲統獸盤蛟龍中銜
白玉徑寸許雷紋兩篆紛重重小鳴大鳴叩輒應金鸞颯颯
搖寒松周官鳧氏掌鐘簴裁度律呂維和雖兩樂九乳有定
製懸之明堂列辟應元音一振統萬里左五右五連笙鏞偏
安江左氣象迫古樂盡變崇纖穠了無典則布軌物但此鄭
衛矜昌丰流音怪底應商律運祚短促無春容此鐘遞嬗多
年代旁竚在懸終不壞五更聲動閭闔開金珂玉劍來朝會
夜臘方傳虎踞關曉妝又赴雞鳴埭蒼蒼城闕起寒煙一轉
繁華歸法界六時振響答流泉古月婆娑話成敗君不見潛
壤銅鐘似殷雷鯨魚十二今何在

題劉別駕若庵江上觀潮圖

生平竊慕祖士雅渡江擊楫何瀟灑英風更羨吳越王射潮

潮避鐵弩强丈夫壯志苟如此會須吸盡西江水卽看江上
觀潮圖蛟螭彈壓膽氣粗居然萬里灘尺幅茫茫千頃銀濤
鋪是日鱗雲紛鬣鬣驪龍率舞魚作隊轟掣雷霆戰騎馳動
搖山嶽天光碎黃牛峽口白馬灘險處急速成奔湍逶迤千
里乃一放元氣浩浩驚奇觀金支翠旗光閃爍隱隱層波湧
樓閣使君胸次比江寬壯游宦海無拘縛笛聲吹裂山根石
兩岸蘆花如雪積潮平天淨月輪寒飛起羣鷗破空碧

苗刀歌次商司馬寶意韻

三苗遺種誇雄豪花裙赤脰尻有毛生兒斂鐵爲積屋十年
浴鐵成苗刀青絲綳絡綠皮裹寒光一髮收銀濤晶瑩不受
土薄蝕拂拭但用人脂膏千錢覲覲奮格鬥剗腸抉面休輕
遭卅年前經大搜勦委棄兵械深林逃使君何從得此物恐

危亂從古君恩易重輕樓東才豈讓華清西風妬煞垂楊碧
還向朝元作雨聲

王莽貨布歌

成都火井黯不然昭陽禍水方乘權巨君睢盱目睨鼎刻意
摹古欺愚賢周公孺子飾假面金滕洛誥增外篇六官改竄
不足道貨泉變自居攝年十品頒行別次第卯金之號旋舍
旃契刀大布類叢雜訟簿擾擾愁株連黃牛白腹理當復填
耳莫禁民謠傳鰓魚臭尙播千載漸臺死不直一錢當時著
作悉無取貝貨所製殊精研昔聞伏羲搏九棘燧人農皇相
後先曰刀曰幣別子母爲輪爲郭分方圓呂姜佐王管子霸
但取民川流如泉嗟莽何能識此意刻舟求劍徒拘牽要其
規矩必古法小篆如薤如針懸秦碑漢石有摩泐銅質堅勁

湖海詩傳卷三十二

其神全委宛成文庶堪熈黍銖定樂彌相宣豈如鹿皮雜金幣大異鶩眼浮青漣食因咽廢古所誠舊制况復非彼專鄱陽莽錢入僞品通山潭海紛糾纏別書刀布信卓識雖不適用毋輕捐夷甫不言信高致王听取一奚過愆宜男可徵勿深考囊中伴我倉斯箋

家顧書姪餞席聽祝道士彈水仙操

貝宮無烟濤氣白老仙長住鮫人宅天邊攬月置懷中笑向龍堂輕一擲冰絲播弄饒水聲寥寥秋濶夜宇清遺宮剩徵到人世異韻未許參凡情道人神姿腴不寢爲我揮弦佐匏飲存齋太史適共聽跛脚西窗手交枕是時綠桂吹古香高雲飄墮雁起翔浮音切響振岑寂指頭湧出波茫茫阿咸心閑得琴意解帶松間對月醉夜闌更請奏歸風我欲臨江鼓

征柩

送舍弟述先之廣陵

河橋一攜手碧柳未成絲
春水方生夜孤帆獨去時
岸荒人語少雨急雁飛遲
亦識前期近其如愴別離

饒社舟中

澤國蒼茫裏雲帆一葉過
亭荒秋樹少湖濶夕陽多
漁舫有時集勞人何處歌
依依淮浦月相送耿金波

旅寓遣懷三首

去住渾疑有夙因
重判衣袂浣緇塵
柘枝偶作當場舞
雞骨傭占野廟神
淡淡鶯花憐故國
疎疎風雨度蕭晨
故應難展穿楊手
老作清時擊壤民

世情鹵莽競錐刀
得失雞蟲祇自豪
殘篋誰憐白團扇
新聲

終愛鬱輪袍波深滄海龍吟細天抹閑雲雁陳高積障破除
書卷在一枝籬菊送香醪

瀟瀟初雨撲雕簾睡起憎騰興未忺南園夢餘花信晚西城
居近井泉甜不慚齒壯名難就長是愁深病亦兼何事故鄉
消息斷離家兩見換新蟾

將赴京兆試同人相餞晚甘園留別

綠暗郊原草色齊荒涼曉曲唱黃雞藏名漫擬隨龍尾學道
何曾悟馬蹄良友情懷春水濶旅人襟抱夕陽低也知骨相
無多福未必釣天聽易迷

落花

陌上休謠緩緩歸風光九十已全非山鷺過處紅成陣海燕
來時綠作圍迢迢尙縈青玉案餘香還惹碧羅衣曲屏一夜

尋芳夢猶逐殘英續斷飛

月露千枝影半簾幾番風信雨簾纖不隨暖絮繁珠網更帶晴絲拂鏡奩靜墜膽瓶燈地暗陽飄曲榭水紋添忘情不信維摩詰一片孤芳手自拈

幾回欲折轉生憐誰料飄零曲檻前水佩風襟消綺夢酒旗歌板惜塵緣愁生水北三更雨恨滿江南二月天無限芳華買難住紫榆空散沈郎錢

一夜天風掃絳帟飄零從此限塵凡點妝冷豔依眉黛漬粉新春落枕函廢圃荒煙無蝶採空宮斜日有鴛銜關心最是春機女織取繁紅上碧衫

阿膠聯句

濟流達阿城

程晉芳

屢起屢迴瀆高環井布輪初洗下汲瓶挈竹

清迅登茶經

梁夢善

鍊煮稽藥錄被哉長耳公

芳晉

繫之小山麓

風聲引蹄躡

初善

雲氣覆黝黠鳴應子午交

善夢

色取壬癸獨陰

崖露草咀

芳晉

寒裡雪花蹴三年置閤散

初善

一旦摧令僕

土人製膠隔貼

以北山之草三年乃用之

皮存毛不附

善夢

支解尾猶禿火紅文武添

芳晉

泉綠淺

深掬重燈耐細煎

初善

響雨雜微攪滓融晷刻淹

善夢

紋皺分寸

縮照面漆絲几

芳晉

著手脂炙轂牽連乃黏

初善

悅澤遂膏沐

凝爲堅固體

善夢

割類方正肉厥包附土貢

芳晉

其用佐金肅劑

和宜朮苓

初善

價值過龜鹿媚寧佩姪娥

善夢

濁待止河瀆客來

偶停橈

芳晉

市聚看列屋粉書板雙扉

初善

青曳帘半幅檢囊罄

輕齋

善夢

裏紙聽平響瑣碎繡湯頭

芳晉

鄭重藏錄目酒杯化醇

醲

初善

夜睡益甜熟真偽勿具論

善夢

歸去遺姻族

芳晉

官扇聯句

明上海陸文裕公嘉靖中以祭酒直經筵嘗拜宮

扇之賜裔孫錫熊官京師暇日出示其友程晉芳

汪孟鉅趙文哲阮葵生董潮吳省欽爰共聯句

秋光敞雕楹晉芳晨爽拭珍簾娛賓折簡招孟述祖在筇檢扇

裁蜀府新文哲製陋漢宮儉勝朝中葉承葵生其廟太阿剡深居

厲刑賞潮旅進維忠調一俊占鳳鳴省欽九達筮鴻漸南曹巨

璫殿錫熊明史宋傳授編脩劉璫東觀羣雅姘朵殿經樞晉芳條銜

御毫點公南巡日錄御筆親書侍屬車塵清孟欽候天酒露霽迎節蘭

辰佳文哲傑直松閣卷資衣自紵輕葵生解纓紅絲綱是物本貢

珍潮異數非竊忝兩頒香案臣省欽帕捧閣門闌爛然朱霞滃

熊錫浩若素波閃花樸蟬翼翻晉芳海圖龍甲閃段竹截鷺肪孟欽

圓釘貼蟹厝紙劈璽繩文哲銀塗混沌漱佩宜錦囊盛葵生廟賜張

爭敬等錦囊詩扇見嘉隆間見記絡藉綵索綵又五日賜李時夏官等綵索牙扇文虎等物見翰林記攜歸袖餅餅

潮傳示日規規樓添槐雨涼省款公邸中有槐雨樓在宣武門內屏引梧颺颺公

雲錦石屏今藏手室揮疑仙骨珊錫障少俗氛玷三沐兼三薰晉一重或

一掩迴翔瑣闥榮孟蹉跌延津貶本傳以講章為閣臣所改奏緒各陳所見嫡延平府同知大柄

久不持文疎節詎終懷懷中月團圓蔡天上日荏苒春祠晉

嶺花湖夜艇江湄笑握隨筇杖倚省疊映越羅欽本傳自同知擢山西提學副使

改浙江進江西參政歷四川左布政司使巢痕玉署空熊篋淚金蓮染黃扉誰畫接晉青

詞競宵禰履約羽鳬孟冠葉香螺歷紫葉輿並扶文丹壺

藥獨夾將虎腰領縻蔡嚇鴟臭腐嚙望虛棘與槐湖典託菱

共茨拙身等棄捐省炙手避威醖吉金行橐垂錫廉石歸舟

礪申浦折菱紉晉袁壘園茆居頗豐課田圃孟明公集有願後

樂坊銘後樂公圖名在春申浦谷水圖所鯽文葦城賦載獫狫疏筭安枯碑

生杉檜絕驚麗臨池妙素縑潮數典富鈺槩風流被未沫省

恩款話斯楷出入變寒暄錫卷舒信夷險貽厥傳魯弓芳昭

茲守周玟文孫勤服膺孟冷客慰飢噉披襟當北窗文視景

薄西崦把翫神聘貽生評泊口鳴唵規隘七寶纖潮彩奪五

明霽森森鸞尾指省趨趨雀翎翎便面列觚圍錫聚頭學裙

掩什襲閱百年芳陸離驚一睽畫零蜨兩翮孟墜失魚雙眨

祇看威繡韜哲樹拓剪紗拚祛濁敢拂蠅生通靈或駭騰展

防寒具汚潮揚奉清芬奄家集網叢殘省國史補遺鈎恍坐

春風春陽熊公有羣瞻儼山儼芳晉

食蟹聯句

水錯饒羹材程晉厨珍試饌法堆盤解象占趙文就坐旅情

洽販集丁沽腥山陽阮蔡買問亥市插飽露腹中腴海鹽黃迎霜

骨外砒跪交銀戟撐

吳省欽

螯舉玉鉤夾凸如背負筐

曹仁森

若冒貫鉶急縛氣尙雄

陸錫熊

橫行徑已狹濡濡沫互噴

晉宛

宛目交眨飼宜土膏肥

文哲

漉用井華渫族徒葦籃頃

蔡命併

糠火燭泣釜鼎娥憐

潮

登筵觥使拔薑芽小紅攢

省欽

橙縷新

綠指酸醢一勺齏

仁虎

苦醢百分呷笑爾中腸無

熊供

吾左手

扶猛夫詫突晴

晉芳

公子強駢脅尖團臍互覘

文哲

磊落殼先協

褪蓑雪膚鬆

葵生

披鉤金騰飲于齡珀凝脂

潮

六州鐵鑄甲纍

纍鱗足又

省欽

薄薄蠟房映瑩白瓊液滋

仁虎

頰黃玳膏晁肌充

美白含

熊錫

腦滿香齊嚼批卻爪梳爬

晉芳

觸芒齒咋齧攫疑戰

拇驚

文哲

齧擬甘唇狎渠魁咸拔尤

葵生

么磨亦承乏髓浮霑襟

裾

潮

支解謝箸笑細咀耐更番

省欽

大嚼誚半雲積酪高陵嶒

仁餘

虎

肪賦淩滌賤桃花楚城

熊錫

陋藻苗越蜎倦僕涎欲流

晉芳

寶朋口猶吐救乳滌惺忪文菊鈴搓鞦韆清盟陳絡巾生雅

譚捉蒲篲候乘夜月虧潮興逐秋風颭醉容何傴僂省鄉語

競誦誦荻張遠踰淮仁蕓波清到雪峇省迎溜懸錫斷箔椀

泥插江空八月寒晉港暝一燈州橘洲煙溟濛文菱渡水潞

崑郭索依牛涔生葵沿緣上魚罨奔明集渚汀潮負固藏厓厓

鉗蘆走蹢躅省執穗行超越智輪蚶泉穿虎形寄鰾穴厓乘

潮或歸溟錫過雨爭聚牖菅屨來徐徐晉葉船去泛泛晉撈

帶草蝦文簾動驚花鴨種堪按諧搜生味待加餐噉瑣碎鸚

紫織潮輸困虎斑席長卿文獨豪省彭越力寧怯紛紛遭拘

擒虎仁帖帖被檢柳枚非一千須錫草喜十六恰趁墟沙尾喧

芳論價擔頭壓詩換蘇何饒文酒浮畢所忤送似走白衣生葵

招邀脫烏恰生拆宜鹽投潮熟蒸忌湯煤榼釘蔗霜黏省罌

裴叔雨脗封槽簪墻陰虎和醬暴簷吸真應常侍除熊錫幸少

監州憎烹異葵公訛芳晉議思鍾子誦偶參琴心圓哲文每悟茶

眼貽歸夢懸筆雙生葵客懷滯簷笈舊蹟印鴻泥潮流光熟羊

脾蓼塘畫展屏省歛筵澤書繙匣給鮮徵食單虎忍俊妨淨業

少坐俟吟安熊錫星芒動簾押芳

邵晉涵

字與同號二雲餘姚人乾隆三十六年會試第一官至

侍講學士

蒲錫山房詩話一雲學問經緯史包孕富而不可以詩賦見長在史館最久數十年來名卿列傳多出其手據實直書未嘗有所依阿瞻徇也所著爾雅正義先已刊行又有孟子述義韓詩內傳考校梁正義諸書未成皆藏稿於家子秉華將棄而錄之以惠來者世人但誇其小學蓋方隅之見爾

秋夜作

英英西山雲霏霏被高樹明月無餘暉飛來落何處江草日

蕭疎江花澹容與想見羽衣人乘月披雲去卽目媚芳華孤
懷感羈旅雲中君不來風鈴夜深語

題阿少司空奉使探河源圖

昔從石室校圖錄紀遠得見河源書偉歟 盛治闢壘窳于
闐葱嶺成通涂尋源特命世臣往覈實還奏承 帝俞勒
成巨編貯 秘閣流傳芳蹟存遺圖連峰接天勢匝匝盤陀
一徑通幽巘巒迴谷轉地平衍突見泉脉交融輪垂杓宛轉
排列宿堆盤錯落噴靈珠元人誤會鄂端尾傳訛互証潘與
朱豈識上源更冲演里餘三百黃英鋪迤西巨石鞏摩豁若
戴斗極開辰樞懸崖黃赤本鴻致天紳百幅空中舒粲瑩散
作鏐瑩影傾沃疑有神漿儲真源見處雲日期山靈預使曾
嵐祛乃知天池懸北極真抵瀛渤成歸墟豁疑千載經目驗

豈非精意能感孚古人睹記限方域構虛設象終拘墟流沙
西海岫連屬廣輪孰與分川衢潛流出地注鹽澤扶風義弗
龍門殊元公辨言述釋水高源峻崑崙虛渾泡穿地互汨
漱千七百一川所渠簡語弗詳待申闢影附誰信溝猶儒披
圖萬里在咫尺攬轡如見神敷愉閱風縹馬古有志遊仙或
在清虛都

落葉

斷腸橋畔此重經又見風林捲落星斷梗隨風人易別薄寒
吹袂酒初醒餘霞江路兼山路暮雨長亭更短亭憶昔攀條
勞望眼征衫可似舊時青

周厚輅

字駕堂湖口人乾隆三十六年進士官監察御史有罣

游草

入峽

入峽入下峽三峽自此始萬山自西來東嚮同一軌蜿蜒折
復曲澗窄僅尺咫巔若地割據趾若樹連理爭勝各變怪畧
不一峰似或立圭與壁或爲虵與豕或者施施來或竟耽耽
視入定若枯僧明妝儕女子睥睨蹶復張格鬥傾還倚青蓮
不上船黃石又呼履柱迴伏波銅壁換臨淮壘初日麗觚稜
積雪盜堦彫舞馬忽升牀牽牛乍臨水登場選千佛揭鉢走
百鬼金鵝十二屏錦障石家里厥狀難具陳所見畧如此開
闢豈其然鏗鑿誰所使竟挾岷江來約束不得駛旁激却積
鐵倒齧觸利齒所以一葦杭動費千夫指尙有惡灘多前途
問行止

註易洞

有山谷書鉤深
堂三字勒于石

絕磴陟秋風一嘯羣木動山腰復右折石腹裂中空剗苔索
古鐫鉗口難成誦鉤深尙有堂點易此其洞陰凝紹聖元米
堅天地東端禮碑未書汴水颿先送崇政去已遠織網密無
縫一舸泛黔涪四境樂幘幪海外幾歸人朝端鮮鳴鳳致此
岩竇棲勢比邱山重剝餘碩果甘否極羣賢痛象占箕子貞
翼擬周公夢居安序自清樂玩辭堪用如何洛蜀爭亦效鄒
魯閭二賢升焯
譙定幸趨嚮四座間賓從涪翁雨字書范守千秋
頌檻外朱碧流遂作潢汙供此邦藉沐浴繼學得真統繫我
遠遊人落帆一飛翺仰止問津梁山禽隔林嶼

過黃州用東坡先生定惠院月夜偶出韻

舟子解舟天未明我尙蒙頭似中夜小僮呼起看黃州披衣

已過東城下城中竹樓遲客登城外春醅向人瀉連江麥浪
正掀翻數塢桃花尙低亞好山仍如馬上看美景漫向風前
借東坡遺躅復在茲南樓一去真長謝從今水月少客知但
有雲山繞官舍我來未覓道士漿渴甚頻思大官蔗放膽將
令北海空打頭偏爲西風怕不慚麋韻博嘲嗤癖似好官由
笑罵

歸州夜泊

石裏沙爲岸山腰樹作城人家紛下上鳥道幾縱橫不雨雲
常住無風水自鳴怒灘千古恨蹉跌爲寒盟

雲陽縣

已到雲陽縣舟居戒早寒人家三面水秋雨一痕灘利用餘
湯井清風問橘官栖霞如可托高處共吟壇

嘉定晚泊

斜照落烏尤山城俯碧流花明煙外市燈散雨中樓古道平

羌界高齋萬景收

萬景樓宋筆

何年方響洞佳句爲勾留

見陪翁詩

留別吳少甫學使卽用其見贈詩韻

從君買就玉壺春欲盡沙頭酒數巡好倚風琴聯舊雨憑教
夜話接清晨收來蘆荻洲前月照出關山笛裏人別袂不嫌
聞折柳梅花時節賞花新

魯仕驥

字九臯號絮非江西新城人乾隆三十六年進士官夏

縣知縣有山水居士集

蒲陽山房詩話絮非學本儒先躬行實踐不爲聲顯之學獨留意於古文少師朱君仕榜由劉海峯大魁而淵源方氏以上至曾王登科十年始得選得山西夏縣藍司馬文正公之鄉絮非益自喜將求所以無愧于文正者今大司馬宗室長君麟方爲巡撫檢君學行時請州縣誦買補常平倉穀以收餘利絮非謂穀買方貴豈可稱

民請卽停止長壽驚異舉以風示通省欲薦于朝未幾病卒子二長第光貢生先歿次嗣光舉人亦能古文嘉慶己未會試歿於京師兄弟皆爲彭尚書元瑞曾運使煥所愛重然諸孫皆幼而繁非文刻者半未刻者半恐無人爲之頁集也

秋夜客懷

人生遠離苦最苦秋夜闌况我孱弱息終年背鄉關悠悠日
復日會當何時還時至氣候變得母衣裳單衣單固足念所
期日加餐皓月照庭隅徙倚生感嘆

寒蟬號高樹蟋蟀吟羅幃此時涼風起蕭蕭入深閨君子遠
行役悠悠我心思容華不足念但感久別離舟行願無波車
行願無泥驅車望鄉邑歲晏當來歸

庭前紫荆樹艷麗正着花如何風雨至摧殘相交加枝葉半
顛賴葆養此根穿人生骨肉情觀此足嘆嗟亡者旣已矣在
者客天涯及時莫遠游丈夫當懷家

由幽棲寺溪行登棲靈峰

杖策指高峰，巘岼逼層嶺。傍嶺途可紆，選勝屐復整。逶迤沿溪流，徘徊俯密靚。綠草嫩如抽，幽花爛吐炯。漸入見古寺，煙光接青冥。遂穿林木叢，仰測巘巒頂。鳥徑辨微茫，雲竇託冥滓。緬然得殊觀，遐哉闢異境。耳目既昭朗，心期轉清迥。眷言宅斯宇，得往良爲幸。

徐長發

字玉厓，婁縣人。乾隆三十六年進士。官建昌道。有《經稼堂魚通諸集》。

田園雜詩

野水接茅屋，鷗鳥常相親。蕭蕭蘆荻浦，依依見停雲。商風日夕至，薄寒初中人。田家刈晚秣，午雞鳴煙村。歲稔多裕色，道

遙及佳辰近局有好懷酌酒召比隣願得長有年觀此風俗
淳

夜叩永濟寺

畢景淡遙山疎鐘起林樾烟深蟻路迹露下螢光濕石房犬
吠幽竹院梵音歇佛火一龕明僧雛倚空鉢賴茲清淨緣一
契無生訣遙夜啟禪關杪櫺散涼月

村夕懷薛肇文

浦口亂晚煙華月在林際竹樹生清陰蘋花散香氣涼露淨
琴絃微風襲衣袂感念同心人中宵悵無寐

春暮述庵招飲蒲褐山房時余將欲南還

黃金臺上雲千疊黃金臺下花如雪我來三月薊門遊好景
江南坐成別西清王公大雅倫相邀共醉長安春長安春景

倏已暮西山朝爽常留人湯泉脩禊歸來晚玉河楊柳烟光
遠作詩潑墨擬蘭亭如雲名士俱游衍吁嗟良會洵有期紛
紛飛絮霑人衣飄飄却羨雲中翼潦倒寧慚泥曳龜劉琨墓
外鳴雞早劉蕡祠畔青青草脩竹吾廬照眼明底須鹿鹿紅
塵道

杪秋過張策時齋

黃葉閉門路溪迴一徑幽寒林下飛鳥冷藥發牽牛寂寞元
亭酒飄零白社遊著書應自得端不爲窮愁

夜宿瓜步

斜月仙人掌蕭然佇客舟葦花明夜步漁火隱寒流秋序逢
搖落鄉心感滯留賦詩臺畔酒一夕思悠悠

九日霸臺讌集

朔水風寒白雁秋。鵠來爲客此淹留。終年許下陳蕃榻。九日重登庾亮樓。酒對燕山秋塞遠。霜清遼海暮雲收。驚心佳節違鄉國。落日高臺起暮愁。

將出都門寄故鄉同好

紅塵障面已三年。翹首江關一惘然。擊筑漫沾燕市酒。負書還買潞河船。聊從鴻爪看陳跡。莫向牛蹄問去緣。綢繆筵前春事晚。東風無那落花顛。

述庵方伯從滇南移節江西書來詢及入蜀後所著

並述黃星槎所撰尙書釋義已成。歆然爲賦四絕。

點蒼山色送行旌。早見匡廬五老迎。天與白蘇遊賞地。感懷蓮社不勝情。

湖海談詩有總持。未遺北宋與南施。劒門關路知相憶。垂老

偏從蜀道馳

黃山歸後興翛然河鯉齊姜笑並捐贖有當年建安筆白頭
還注伏生篇

江湖老伴幾凋傷悵望潯陽與泌陽寄語青山遠相待好從
三泖問漁莊

錢 澧

字東注號南園昆明人乾隆三十六年進士官至通政

司副使

蒲褐山房詩話南園居臺諫慷慨敢言無所顧避嘗劾山東巡撫貪暴不法勅令
得實正其誅府校舛舛同事畏之其實中懷樂善見如不及清談終日必以世事爲
心君督湖南學政乎從雲南入都道出辰州時方稱門試士予僅貽一刺候之而君
遽入國請少留比日暮試畢即至予寓中蟬聯絮語燭見跋乃去其僕人以扣如此
君歿後索其詩不得雲南門人袁子文探以所遺蒲褐詩見示故抄錄數首於此

長風三首

涼風動湖水黃鵠起飄飄立秋已昨日歲序逝莫要我家百
廿指難終賴漁樵計更出門去病人筋骸凋然臥念京師長
路愁迢迢尙欣人不忌所志非金貂

細月光隱隱照我敝牀席瘦妻中夜歎十載久爲客未育一
男女聊與慰晨夕更知幾何歲復得同安宅昔日兩鬢髮今
一已見白從此盟匱中何堪照顏色

明日具晨飯盎已無粒米堂上倘復知分責逮諸弟弟壯各
能力茹荼甘如薺時命有利鈍此意久所體遠行堪代耕私
情復何敢獨有涓涓淚霑濡若洗

宜都李明府石首王明府與荔村于役荊州共爲荊
州詩予時在公安依韻寄之

夔門東下接荊州不盡濤聲日夜流野次天分鵝尾濶門高

山磔虎牙秋雄都峙楚規南幸重鎮窺吳號上游請向昇平
論形勝江花睡穩一沙鷗

渺渺龍山放眼圓層城高倚夕陽開空聞乘艦浮江去誰信
更衣駕橋來沙際忽添巫峽雨烟中遙認楚宮臺清時四境
無豺虎王粲登樓不用哀

沙頭燈去路還東絕岸南緣息壤通乘醉來尋一柱觀披襟
全受九江風龍艦出沒蒼濤迴鳥鵲翻飛夕照空莫倚能詩
漫惆悵老人星在野雲中

天涯仕宦誼同敦江漢風流古所論清賞有時連畫舸雄談
竟夕倒芳樽文章怕入孫郎帳聲價終歸卞氏門此夕公安
城裏月藥鐙孤枕對黃昏

洪朴

字伯初號素人歙縣人乾隆三十六年進士官廣平知府

蒲褐山房詩話伯初美秀而文溫其如玉少與弟桐梧先後登進士曾有三珠之譽同鄉或編修震金殿撰榜皆通經伯初從之問業故以員外郎督學湖北飭童生作背誦五經者入學諸生能背誦左傳周禮儀禮者補廩生楚士翕然從之後由郎中出爲廣平守將發屬令之虧空衆人驚異而伯初亦憂疑抑鬱久之歿于任所

送別述庵前輩後復得來書有感

誰料終成萬里行折殘疎柳倍傷情風簷雪虐人將去母老家貧子未生
難燭憶曾同鴻禁銜杯何處話鷗盟書來只合藏懷袖欲待重開涕淚傾

伊湯安

字小尹

氏滿洲正白旗人乾隆三十六年舉人

今官貴州督糧道

春日遊焦山

鐵甕浮青嶂遐觀萬象涵圖會傳海嶠喚咭喇貢使輸圖以歸秀獨甲江南
蘭若僧談雅春山鳥興酣耽游歸已暮纖月照清潭

游南明山

競說南明景公餘結伴游荷香僧院靜泉響石梁幽古洞誇
仙跡虛亭豁遠眸高情慙白傳勝地幾勾留

初冬雨霽郊行感賦

閒曹無事任游行且喜連朝雨乍晴破寺經年僧亦少江城
十月草還生驚心節候同駒隙到眼音書滯雁程山色六朝
看未足臨風才了獨含情

彭淑

字秋潭長陽人乾隆三十六年舉人官吉水知縣有蟾
芝集

雨後

雨餘爽氣生夕陽照林薄野泉奔別澗晴虹下幽壑已看庭
草滋更惜岩花落延佇空搔首春情自漠漠

空館對雪懷故園因憶城南諸友

小圃積瑤華霽雪澄清夕清光射岩扉寒色帶松石飢鳥啄
枯樹凍犬臥簷隙挑燈動微吟幽意忽不適迢遞射堂村蕭
條楊子宅南村數枝花板橋幾兩屐歲暮關河深歸夢阻
昔一聞蕭寺鐘更懷城南客

晚泊九江

九月四日去秋
泊船亦卽此時

寒碧一江橫餘霞向晚晴秋深元亮里潮落灌嬰城暗浪搖
燈影迴風帶雁聲蘆花湓浦岸楓觸去年情

上饒道中

樹杪見晨光烏鴉啼一行桐陰山路淨稻氣水風涼縹緲看
雲岫徘徊渡石梁村沽仍釀白勸飲是吳娘

送徐玉田

寶麟

署南安郡丞

太息天涯日暮雲故人落落少知聞相思舊雨非今雨惆悵
逢君是送君也恐青衫愁司馬誰將蠻語問參軍好烹一
掬芙蓉水消受梅花到夕暉

東軒題壁

露下木樨香滿庭秋堂燈影夜深青微寒又作瀟瀟雨聽到
梧桐酒忽醒

黃州憶章門諸子

大江春水拍天流萬頃波中一葉舟南浦故人相憶否斜風
細雨過黃州

汪端光

字劔潭江都人乾隆三十六年舉人官廣西府同知有
沙江晚霞才退諸集

畫溪訪龔克一

十里畫溪水茶香動野烟好山尋舊侶孤艇入新年不負春
前約來當雨後天鶯花猶未足無事日高眠

今夜

今夜篷窗宿鄉心醉欲逃殘燈猶叫雁疎雨忽聞鷄舊扇花
應染新裙草漸齊嘉辰誰更在不解顰眉低

次玉才韻

江南柳色不同看莫遣吟腰更倚闌小雨無情天脉脉春燈
如水夜漫漫知愁每覺貪眠易愛瘦應憐強飯難底事天寒

勞翠袖苦將脩竹問平安

湖海詩傳卷三十三

青浦王 剏德甫輯

鄒炳泰

字仲文號曉屏無錫人乾隆三十七年進士今官倉場侍郎有千風堂集

蒲褐山房詩話曉屏清真廉介素以名節自持山東江西兩任學政非特苞苴屏絕卽偶有承筐亦必卻也詩喜明七子而風格實近青邱漁洋閒清妙之致溢於楮墨五言如疎梧不藏月深竹解迎秋晚風漁火小細雨佔船稀歸僧松影外清磬竹聲中林蕺兩厓合樓出一峯高細雨尚城雁秋聲古戍砧潮聲到闕盡帆影上城來人歸殺雨後門掩竹風初東嶺猶殘雪南湖已送潮七言如山鐘過澗初知寺江月升舟欲上潮長廊古佛明燈夜高僧和槐聽雨時霜後園林如我渡溪前門巷幾家新山迴晴郭猶含霧風定寒廬不作秋破屋自聽蕉葉雨平橋同試藕花風石燈茶香清暑後書牕梧韻晚涼餘近郭花明秋浦月過橋鴻落蘄門霜極浦帆檣浮郡郭秋山風雨到城樓病餘不受三春色兩後初逢六月花皆如列子御風冷然而善又撰千風堂叢談名公佳話詞林典故實多撫其中足爲史學之助

惠山石門精舍

海濱詩集卷三十三
松風入巖隙響在空山曲攀崖歷幽洞翛然出塵俗水簾挂
絕壁百尺注山足石門古苔封精舍依林麓人去春巖幽芳
草空自綠登茲離垢地鳴禽亦忘欲

泛舟潯溪橋取道碧山莊至忍草堂同若洲阿巢葑
齋諸子

尋山雨益佳挂席下溪水沿隄凡幾曲人家紅蓼裏安知潯
溪口山色澹如此杖策碧山莊登山從茲始芳牋屢沿緣石
磴更迤邐歸雲巖寺積流澗平林駛落日草庵上一半孤煙
起入門鳥語寂坐久鐘聲止愧無信宿緣輕舟已東徙

晚次梅心驛

口午過南溪言尋伯時墓道上無行人惆悵空山路南望衆
山好接鬣自迴互龍眠與鹿起倏忽各奔注松杉自凝遠丹

楓隱復露溪聲多在樹屈曲意所赴三旬觸風埃到此忽如
寤望遠境屢移歷近竊難泝夕雨忽又至楓香在深霧竹房
聊小憩前途莫迴顧

家小山宗伯畫竹

吾鄉畫手多吳裝高逸舊數倪與王兩公畫山亦畫竹後有
繼起推廷璋中間作者亦草草譬之江湖有行潦近來耆壽
兼畫禪吾宗獨推二知老昔年望重春官卿晚入九老圖耆
英退朝無事工寫生春花秋樹隨意成好與苦竹森秋莖墨
花亂捲了無意真氣結束中分明頗疑秋雨深夜至珠露欲
落寒無聲長歌短詠舊時作愷郎小印朱紋錯收入行囊什
襲珍時時猶聽風生籜別來忽已五載餘西亭佳會難如昨
賸與雲林舊畫圖一時供奉招風閣

周燦仿趙承旨鵲華秋色圖

一峯上剡何年立天半華村露初濕鵲山近附半鳥頭相向
晴空作秋色濟南名山此當戶松雪雲囊急收入右丞北苑
筆底兼神物由來供秘笈周生見畫不見山淡著青黃蘄
墨汁磐石華泉暮雪封翠屏灤口朝烟戢我時過此不得上
自笑郵車太急急單椒秀澤語荒信妙盡山容畫難及我無
仙骨換元丹扁鵲遺經枉傳襲歸向橋邊四照樓垂楊時放
山光集還思重訪曾晁蹟歷山堂畔北渚陽甘受齊人說好
事一證詩人舊結習

廣陵舟中送馮道州西遊

黃鳥啼高樹離人悵遠行問子將北渡憐爾獨西征細柳春
山驛寒烟別浦城新愁江上水一送布帆輕

寄吳秋岳

十里邗江水流從九曲橋知君谷口住時見廣陵潮客館吟
紅藥春帆奏玉簫宵深竹西路清月正迢迢

新城旅館

春陰不作雨昨夜又西風花落鳥聲寂山寒人影空客書頻
自檢鄉夢幾時通莫惜流光駛當階芍藥紅

訪顧子邨居

小雨過溪上秋齋晚最空相逢寒露節來誦故人詩樹密藏
鳩婦洲寒宿鴈兒卜鄰吾有意清味野翁知

蓬萊閣觀海

丹崖傑閣鬱嵒巖放眼高秋積霧消滄海一泓真可泛神仙
終古不堪招估帆風定春通舶列島天清午送潮闌外朝霞

飛不盡仙遊重見赤城標

大風渡九江望庾樓作

使程初喜駐江干路入雄疆倚檻看十月濤聲湓浦合大江
風色庾樓寒賓僚後約空舒嘯山郭新圖記勝觀明日匡廬
真在望雨檐蕭瑟夜將闌

送人之淮安

長淮渺渺起秋波板閘沙堤取次過日暮劉伶臺上望故人
曾住十年多

毛上良

字羅照號宿亭鎮洋人乾隆三十七年進士官戶部主

事有思補堂詩集

蒲鶴山房詩話羅照弱冠好詩與同邑王瑜陸元邁結詩社出入唐宋才情橫展
又工畫初效原卬繼與王宸臨摹宋元名蹟縱橫變化獨自成家在中將時諸城

劉文正公謂之曰一卷青山送一年
非君佳句耶其名重公卿開如此

刪竹

草堂數竿竹託根始田畛分攜栽我庭位置擇深穩加泥復
灌泉珍護風霜隕積厚乃敷榮歲歲茁新筍嬋娟散新碧蒼
翠聳尋引子孫不知代千霄集鸞隼秋落悲梧桐朝榮笑木
槿何如對此君猗猗日恹恹出門今歸來忽歎生理盡叢箭
竄階凡橫篠礙戶楯旣掩文石秀益露古牆蠹扶持莫自立
恣縱終見損未免施斧斤鬱鬱感憂慙種植頗艱難棄置良
弗忍此竹亦猶人願人學務本

從義扶乞草書歌

風雨颯沓波濤驅斗室恍與龍蛇居回頭忽悟屋漏壁長矛
利劍光鉗舒宏農二妙天下無三杯癩史神仙徒筆堆如山

那可至要使萬卷充膏腴多君三昧擅家學肘後傾倒青泥
壺怒龍倔強兔飛走枯松叫鶴波驚魚杜陵評書貴瘦硬此
論往往嘲髯蘇楂枒臃腫各天性何薄饑鷹誇墨豬方圓在
眼法在手筆勢欲落先躊躇興酣揮灑數百紙狂呼跳躍縱
橫如今人不識顏柳面千祿乞米何爲乎少小喜學元祐脚
依樣那得成葫蘆白州刺史來蜀都肌理細膩脂凝膚請君
一掃筆陣圖勿云未暇匆匆書

夏苗行

古氓出兵兵歸氓今氓爲氓兵爲兵古蒐獮狩大閱精今以
苗治無妨耕苗涇教場廣于城一井可以屯千營中央瓦屋
高建瓴迺是演武將軍廳虞人萊田沙草青百步一表牽長
繩質明赤日懸銅鉅風翻帥纛黃金鈴觀者如海如山陵兵

制防海數議增 詔寬餉額充千丁此時教場列陣明縣鄙
鄉野各以名馬步鎗觥分四停整典貫頂紅駿纓銀鎧金關
爛眼睛大書日月風雷霆我刀我淬戈我礪青犀之弧白鵬
翎誰其遮者洞爾膺士氣旣飽馬氣騰炎敵肆虐滾火輶官
堤偵騎飛流星將軍臥起解宿醒正啖牛脯餐羊羹須臾鏡
角動地鳴狼豕沸穴猿落檜檣天火繼黑隼旌師旅卒兩伍
長迎將軍騎馬馬不勝以人作馬肩輿行直入堂上擁髯竄
中軍徇陳先斬牲不用命者如此令鼓人伐鼓聲藝藝隊隊
伍伍雄彪弼上軍下軍天地亨左軍右軍牝牡承前軍後軍
鵝鵝形八闕六花環四層震離定位陰陽靈人入馬出馬絕
鞞馬入人出人超驟或擊其首其尾應或倚其角其脰撐穹
廬波含軋霄崢忽登天姥聞吹笙是名大陣威材成小陣刺

擊虎格戔。肫肫鏐鏐。失手人鬼呼吸。爭使我慄股陰。
山冰撩交。復起拳脚。并銅獅鐵豹。相排擊。爾欲我撲我。爾傾。
拔山不動。均輸贏。轟然合圍。殺氣蒸大礮。小礮雷。咒軋大弩。
小弩星貫。棚而鉞而鎖。而蠻簾。四五百步飛蒼鷹。塵埃漠漠。
雲晶晶。青天白日黃冥冥。帳前撼谷射老麋。幕下攪海擒驕。
鯨將軍曰。止執律。興六軍。不聞人馬聲。我聞。伏飛百萬利用。
征晉壘。楚壁無堅。扁又聞神威。龍武衛。玉京鴉兒。雁子多縱。
橫。卽今桓桓貌虎英。以此衆戰。孰敢撓。蠡茲木邦作不庭。滇。
池萬里烽烟驚。臣桂臣衮臣相恒。帝曰。帥師惟汝貞。
天戈所指。機槍清。不日銅柱標新銘。三軍脫甲歌太平。億萬。
千歲金甌寧。爾輩可以休戈稜。將軍曰。我承天子之命。
弗敢輕。明日再演狼山營。

榆河曉發

可憐榆塞月夜半出柴門寒入黃蘆戍秋殘紅葉村密林防
虎械野火散羊屯此去憑誰問蕭蕭慘客魂

涿州

雨雪羃孤村樓桑近北門一堤沙路軟雙塔樹陰昏忽下吳
人淚難招蜀帝魂朔風驚刺骨還戀敝裘溫

宣化府三首

形勝居庸控上都黃沙一片夕陽孤金城鎖處封疆重玉輦
巡時草木蘇雪後見花春寂寞雲邊認鴈月模糊懷來萬里
車書集不作丁年出塞圖

迢遞香河接阪泉天弓曾此發雕茲龍門曉月猶存代狐嶺
秋峯直到燕雨過葡萄隨店賣日長雞犬上牆眠烏桓景物

言集卷三十三
猶堪誌銀箭銅爐送舊年

險驛雄關僕馬難臨風頻灑涕洟瀾天圍部落秋原迴人過
營臺曉色寒堡樹獵餘收捺鉢寒田春早熟牢尤龍庭亦是
桑麻地只有征夫不忍看

荆軻城

變徵歌殘白草枯紫荆關外月模糊真令豈子埋屠狗終遣
西周聚惡狐賓客尙看揮涕淚將軍空自費頭顱卽今易水
蕭蕭起不見當年督亢圖

飯笠畊先生齋得餐字

草堂粗糲共朝餐書卷綸竿四壁寒往事久拋同馬蹟故人
那肯累豬肝閒挑冰雪青蔬圓笑整溪山紫簪冠高臥醉鄉
還自署梅花亭長橘洲官

新燕寄王卓潛

歸來何處又匆匆巷口江頭旅夢同
萬里掠將寒食雨一番吹過杏花風
家家玉壘香泥碧夜夜雕梁燭影紅
莫倚辛勤好長住傍人門戶總成空

登甘陵城樓

旌旆飛揚雉堞平高樓臨眺不勝情
潮聲夜轉盧龍塞樹色遙分夾馬營
人渡三關稀見鳥春歸五月始聞鶯
如何董相談經處惟有蕭蕭禾黍生

許兆椿

字秋巖雲夢人乾隆三十七年進士
今官江蘇糧儲道

有秋水閣詩鈔

蒲褐山房詩話秋巖與弟石泉兆棠先後入詞館咸以才名而石泉早卒秋巖轉
御史降調部郎由知府而至監司躋證仕途者幾三十年嘗與子案事高郵及長

沙應山倚輝諸處同羈旅者年餘于思飄然議論明達工詩善書尤精於吏牘下筆千言無不迎刃而解蓋非獨以吟咏見長也與其鄉余元亨同知彭澤明府文名鼎峙予過雲夢造其廬老屋數椽蓬蒿掩戶竊以爲元次山溪溪之比云

題吳明府

森

雲衣

癸未進士江西人

石門山圖冊子

荆山揚鍰爭摩天欲斷不斷浮蒼烟千盤萬疊石門出峭巖
一坼流奔泉橫橋直架洞底粼漱瓊鳴玉聲濺濺溪風吹翠
濕欲滴老樹挂壁根空懸梯山鑿石盤鳥道古藤百尺愁攀
援茅檐一二負嶂立夜半駕鶴來飛仙如何造物不自惜更
於絕壁窮雕鐫懸青萬仞門呀然一步一使心廻旋如鴉蝠
蝠撲人面似乳石髓滑不堅天風掃斷塵埃蹟杳杳時有閒
雲眠使君青眼了不負亂山堆裏居三年拂衣一旦擲官去
綠陰處處啼春鶯祇留山色在圖畫未妨羞澀囊無錢驅車
京洛塵滾滾興劇一放黃州船雪堂月好快把酒

時客羅太
守旭莊所江

天萬里清而妍此時披圖發長嘯石門之山落眼前要留面
目對山色豈可散散供人憐我歌未已君忽笑此語未足聞
時賢置圖一鼓瀟湘絃衆山響答空中傳

曉渡吉林江

渡口人初聚波心鷺不驚塞天風有色汀浦月流聲截岸山
屏壯衝煙桂楫輕大哉觀水德千里總澄清

舟中酬召村

衰柳依依漢水濤危檣南下氣蕭森人來絕塞三秋過事到
中年百慮深薄祿虛需悲子職長途久滯繫親心寥天旅鴈
何多事又送噉噉入夜音

漢江舟中和召村

五湖泛宅計猶賒擊楫今登漢上槎世味漸諳知老大鄉園

欲近問桑麻隔村樹杪馳帆影逼水堤根動浪花無限心情
同着眼可憐倚棹聽慈鴉

過萬小莊與同人小集

幔卷高軒夏日長圍棋作畫任徜徉風驅殘暑剛新霽人戀
窮交况異鄉事到中年多感慨語因小醉恕荒唐劇憐子敬
琴聲寂冷落當前門酒場

小莊與石泉弟交至篤石泉
下世今半年許矣故感及之

灤陽雜咏

塞上雲多易作秋垂楊何處起邊愁羣山碧重烟初合魄月
明生火已流小立森寒添半臂大言論事愧長頭無端搔首
驚清聽不斷飛鴻叫遠洲

占得鳩巢十笏寬入門草草卸征鞍袍痕濕帶潮河雨日色
明流太乙塹山截龍沙天保障地尊斗極夜高寒朝來封事

知多少恐對漣漪賦素餐

羽書三捷奏甘泉萬里行師總萬全雨箐旗飛山奪險雪林
礪劈石摧堅風雷直破蠻人膽日月原臨化外天髀肉未消
空策馬據鞍何處著先鞭

時方廓爾喀用兵

上元日至山海關卽事口號

使星幾度出營州佳節真教賦壯游記得前年長白下雪花
如掌作中秋

壬子秋奉使奉天再使黑龍江中秋大雪重陽又雪

春月初圓第一宵別離草草路迢迢還家夢是今朝好明日
關城隔更遙

李堯棟

字松雲山陰人乾隆三十七年進士今官延平知府有
寫十三經室詩鈔

仙霞嶺

亂竹刺天高松聲萬竅濤千盤出雲表百里見秋毫北望無
飛鴈南維劃斷菴蠻烟深隔處天爲限神皋

山家

田亞綠雲梯叢叢板屋齊春聲溪近遠日色嶺東西墟古人
烟少岐多樵徑迷征夫行不得愁聽鷓鴣啼

吳俊

字曇繡號麟海吳縣人乾隆三十七年進士官山東布

政使有榮性堂集

摘福山房詩話雲海與弟少甫同以畫荷望郎稱詩京雒又與馮玉圃培李滄雲
聚詩場酒座無不同之而雲海取徑幽深精心獨造非但不拾人間餘蘊亦不必
盡合古人矩矱也從軍以後崎嶇烽火所見
益奇兼足以發難顯之情即少甫亦多不逮

徂徠山下

一往入楓柏不知谿路深林開見巖數窈窕徂陰雨足黍
苗長幾溜懸遙岑落日一照耀石髮抽瑤簪上王在何處王上
村梁父無人吟三兩見牧豎百十飛水禽喬松不可見蒼霧
秋沉沉

再遊千像寺就僧飯

山門故依然斷紐懸危鐘寺僧如猿猱跳躍捧我筇親切竹
裏路狎熟林梢峯經唄講堂歇水磨齋厨春碗葉嫩勝剪椒
芽芬可供羈羈鵲覓粒窳窳颺窺甯師談往日虎我怵鉢底
龍落日且辭去花霧堆重重

藤縣用東坡先生藤州江下夜起對月贈邵道士韻
鐔溪水如刀飲之淬心肝藤州城似斗細路蛇蚓盤我憐黃
頭兒赤脚踏急湍前尻壓後脰窻坎不暇看而我倚篷坐西

風送朝寒耳目甃閑曠意與棲鷺安摩挲雙鵠研清露瓜瓢

溥

新作二端石研搗以自隨

是中出新句墨灑江漲漫道士不可見林禽弄幽

彈緬懷僊耳客扁舟下空灘

百色

山髡水復頽草木遭蒸烹火雲卓朱蓋罩此斗大城我行冒
溽暑載驟心怵怵足熱解鞋系頭汗憎冠纓或言此火宅硫
磺灼溝阬一雨山骨沐熏毒流縱橫飲之損人壽淳之膩不
清連檣艤市舶貨薄錢則輕厥利入僑籍土著不得爭日日
兵馬過數數賦役并老翁走蹙蹙弱丁啼僮僮衙吏虓虎闕
里甲勞勩頽節氣過芒種磽确方犁耕十牛九將子且哺而
且行過時歎不獲何以贍我生覩之心慘怛不能已徂征堂
堂大司馬兩手握萬兵雷霆淬精銳耳目開聰明要當蔡州

襲勿作楚幕偵滅此遂朝食卷旆敲金鉦壺簞實漿食千里
叱黎迎

題春明廣文畫竹

一竿受風娟欲語一竿撐空拔儕侶一竿橫逸露半身下有
緋嬰尙戴土廣文胸中十萬竿三竿乍向醉後吐以其落筆
想其餘鸞鳳鞭笞伏膺腑長安酷暑鎖渴羌清風萬錢何處
賈濕雲漏雨騰蒸飯木榻驅蠅坐沸釜翻身向壁變清涼稍
覺湘妃步秋雨可憐內熱損精神一幅琅玕那堪煮

濟南秋思

商意入林薄蕭晨鵲鳴山連牟子國水遶晏嬰城雨洗碧
天淨草涼池館明長安一回首愁絕鴈南征

眷眷追前約

舊秋頗多
文酒之會

恩恩俯逝波姓名秋社熟詞賦驛亭多

密雨侵蘿薜西風颭芰荷修鱗三十六不寄一書何

晚秋池上

俯仰小池上西風驚客心不須感搖落長自愛秋陰梧竹倚
娟妙水雲相淺深禽魚知我樂舉步卽華林

清化驛

翠嵐堆白屋綠幔捲青岡無雨楫攔戰微風蘭杜香騷情憶
公子幽館恐斜陽明日崔婆酒停驂試一嘗

羅舊驛館

行看嵐翠潑人衣坐覺溪光冷入幃境美最貪茶後睡身輕
差熟夢中歸山銜楚雨黔雲起鳥掠湖煙嶺樹飛一曲芷江
清徹底美人不見思依依

老鷹巖

蒼鷹摩翅入雲中
鑿壁誰將爪距礮
戍卒拾薪尋虎蹟
山人削枳縛牛宮
故知狐兔無藏窟
祇覺鶴鶩在下風
側起一岡猿臂拓
拳人先遣眈西東

與玉圃比部夜坐

南院啼蜚北院華
商音淒霧不分明
二更秋自銀蟾吐
小語涼從冰簟生
才子性靈盟楚畹
仙人樓閣寄瑤京
莫言一樹無情碧
會寫風聲更雨聲

奉檄赴西粵軍營留別寅僚和莊胥園廉訪送行原韻

萬里特柯一羽翰
鍬衣試着路人看
書生敢謂平蠻易
幕府深虞轉餉難
祖席舞花剛爛漫
征帆拂樹得輕安
故人四韻珍朋錫
爲遲秋風載戢干

李 棨

字滄雲長州人乾隆三十七年進士官順天府府丞

憇雨花巷

侵晨入野寺小憇試烹茶竹露半窓靜松風一徑斜新詩題

古壁佳話寄僧家

先是付松崖讀我詩兩太史有和詩

我亦南行客蒼然兩鬢華

吳太

史原詩有白髮未還家句故云

登黃鶴樓

仙人騎鶴去何日復飛來獨有清秋月長留漢水隈城臨高岸起樓倚暮烟開詩思凌虛發何須玉笛催

秋日遊毛氏園林

隨時尋適意秋色澹秋顏竹木何蕭瑟湖山自往還松濤石上落花露月中殷儘得林泉趣西風葉已斑

題曝書閣

憩石消殘暑空庭好曝書松風一逕入竹露半窓虛墨古留
冰蘭香清走蠹魚晚來乘月讀涼意滿衿裾

鐵保

字治亭東鄂氏滿洲正黃旗人乾隆三十七年進士今

官山東巡撫

蒲褐山房詩話治亭少入詞垣借其弟閻嶧並以詩名而治亭尤工書海北人論
書者以劉相國石庵翁鴻臚覃溪及君爲鼎足皆選集國初以來滿洲人詩爲
熙朝雅頌共一百二十卷以予向在戎幕與章嘉文成公多倡和之作從子處
鐸而補之藉百餘年來名人傑作搜採無遺尤足爲盛朝掌故也乾隆庚戌
高宗純皇帝東巡予與閻嶧應 賜賜車豹
尾間恒相酬贈惜其詩已佚無從蒐輯附識于此

遊醉翁亭

滁山萬笏青選勝得幽邃中有歐陽亭翼然臥空翠枯梅挺
異姿云昔公手植老幹標千年餘蘖發新致四維匝修竹天

影不到地瀟瀟君子風林堅自生媚亭南疏釀泉百尺漱清
泌曲折雲碓穿噴鏤崖骨墜亭中何所有屢禪富碑記屹立
坡翁書斑駁露神異遙遙六一翁樂歲勤無字醉飽滁人同
酣歌豈遊戲我來醉翁亭不識醉翁意咄哉羣吏醒何如此翁醉

荏平

路入重邱境肩輿扣縣門地延孟子館人近魯連村樸俗衣
冠陋荒城鳥雀繁碣磣成賸蹟古月澹黃昏

宿花莊

晚就花莊宿花莊花已凋田車歇短壁水特臥荒畦日夕枯
棹靜秋深穰稷齊孤吟村漏息土屋坐然絜

滁州道中

萬壑壞滁郡肩輿入翠屏烟蘿沈大野玉筍插蒼冥晚稻沿

溪熟秋雲帶雨青高風懷六一渺矣醉翁亭

雨中過鄒縣望嶧山作

嶧陽千仞鬱崔嵬雨濯芙蓉面面開碑碣字消秦帝後風雲
氣擁岱宗來山川地有參天勢鄒魯人多曠世才我欲登高
停使節隔溪空翠濕龍媒

登攝山最高峰

危峯削刃千巖外瘦削芙蓉入渺冥龍虎氣蒸鍾阜白金焦
影蘸海門青時平莫問山多隱僧老方知藥有靈欲訪江郎
舊亭館碧雲紅樹幾飄零

卽事

白雲瞻望淚洸瀾嚼蘗肝腸強自寬愁裏逢春驚老至中年
生女作兒看宗圖欲譜成家乘祀典仍虛媿禮官更有佳城

營未得數椽擬構闢荒寒

贈友

緇塵浼盡素衣輕抱影空齋擁百城僕愛詩依蕭穎士客逃
名喜蔣元卿三餐自爨長腰米百罰頻漉折脚鎗老矣青瑣
眞故物雄飛雌伏各忘情

落拓名場未有涯周妻何肉累頻加喜從白傅分鱗爪肯向
元暉藉齒牙湖海氣高身獨臥溪山興遠夢無家顧郎自是
難衣食白屋青燈鬢已華

春夜

北斗崢嶸鑑薄帷讀書聲緊漏聲遲烏啼偃月初暝後鼠竄
枯燈欲燼時壯志漸隨春夜老苦吟未許硯冰知放翁詩卷
音難嗣後五百年狂者誰

時放翁後五
百年無此狂詩

滕縣謁文公祠

齊楚縱橫鼎屢遷彈丸百里祚孤延不須更問維新術已共成周八百年

馬緯雲

字依墀海鹽人乾隆三十九年舉人有白沃山房詩卷

蒲褐山房詩話依墀爲墨嶺先生之孫綽有才情工於綺麗子修西湖志于湖上就莊依墀與趙晉齋魏朱映湧交深沈崑門景龍注秋白大經王秋濂復頂金門壩皆與纂修之列而依墀所輯人物志尤詳于旌壽有以直隸按察使赴川書未及成藏於鹽署後佚

妙智寺用韋蘇州義演法師西齋詩韻

引杖步郊扁杳杳聞清磬古寺修竹深幽禽悅真性入門藹以綠草積無人徑澹然去來緣秋山起遙暝

長歌呈桑水部院長

先生稽古經術崇手扶大雅陶愚蒙餘山

勞先生
麟書

絕業繼濂洛

英靈肯許常人鍾，茹韓吐蘇大手筆。過都歷塊如風颺，金庭石室不肯住。富貴於我浮雲同，長空倏忽搖天風。偶乘雲氣騎飛龍，黃雪亂灑千長松。泉聲兩耳鳴琤琮，芒鞋竹杖自來去。遍踏五岳青芙蓉，自從歸隱聖湖曲。空堂夜讀聲摩空，賤子寂寞海濱上。夙昧經義徒雕蟲，竭來飄泊淪楚澤。書皮高閣塵黯容，昔年親故半未覲。論交三世今識公，公開寶帳集都講。煦拂四壁春融融，五金在冶仙火鎔。斧鑿斤削加磨礪，吾儕豈甘自暴棄。熙恬竟日隨嬰童，人生不朽有大業。欣戚豈在塞與通，上自皇墳下稗乘。披尋一一羅心胸，無味之味貴獨得力。田寧計豐年，逢少年歲月况強盛。旭日炫采纔升東微軀，七尺著何處。苦無大藥仙，疲癯高竊思。附鸞鵠翼薄采終，棄蓀蘭叢太息。古學坐蕪蔓，語欲出口傷瘡。蘊洗荒滌

穢竟莫觀浮聲掠影徒相攻安得虎觀諸儒作掃除宿霧摩
青銅行愁坐歎苦未遂先生白首猶趨椎烟林拔起雲當中
膏雨到處繁花紅笑指枯枝枝盡綠春華無使隨秋蓬

五人墓

奄黨噓殘骸成仁竟殺身屠沽能此舉冠蓋竟何人
縞魄荆榛聚豐碑蟲鼠新要離遺塚近俠烈共嶙峋

同汪柏巖

淮

射亭

河

昆季過南屏訪心舟上人直雨

留宿山舫

杖策萬峰頂寺門山雨涼竹深烟磬寂花落石床香
白社棲心晚青山笑客忙十年今信宿得飯贊公房

子客楚中吳竹堂進士
爲子亟稱心舟及今識

面已十
年矣

歲暮雜感

大江南去古揚州修禊紅橋攬勝遊

盧公雅雨轉運揚州時會修禊紅橋

轉眼豪華成

代謝當時裙屐擅風流不堪痛哭羊曇路何處重逢郭泰舟

更是丁零關塞遠朔風吹雪海西頭

盧公令嗣值齋觀祭時奉命出塞

匆匆書劍枉飄零曾泛扁舟到鶴廳黃鵠山高看判牘桃花

洞暝憶談經移來香草騷人賦欲吊湘江帝子靈小阮近聞

多著述爭看摘藻耀天庭

懷吳明府古心先生香樟居稿吳宰長沙時著

夜坐有感

迢遞孤懷怨暮砧
裊裊風露上衣襟
空堂清簟隨秋冷
小閣殘燈入夜深
落葉有情終戀樹
幽花無處不關心
支離倚枕慚多感
攪涕何能寄好音

董詔

字馭臣安康人乾隆三十九年舉人

蒲謁山房詩話與安界聯楚蜀地入蔚山枝鹿之風樂同禁味孝廉無待而興獨
能覃研經史絕不爲俗學所拘拘豪傑之士也生平貞介自持不趨公府自吳太
守六蒸邵大尹夢尋兩君外其餘貴人招之不往作詩頗宗杜陵句奇語重而駢
使故實足以副之正非神取點竄者可比近日鳴孤箴火逼近興安而久聞隱君
子名戒不入境放得
自安耕讀開井晏然

題禹穴

大禹藏會稽厥生在石紐遷史太白書兩地耀先後
東流會閩棲寄偶揭來訪遺蹤扁舟出洵口直下百里閒
巖如新剖峭遮天躔窄浪激坤軸吼微茫石徑懸割然開戶
牖縱橫十笏地乃憇錫圭后四壁青琅玕疑鐫文蝌蚪欲譯
忘家句剝泐惜已久回思西來流夾岸連岡阜中開坦迤地
百僅一二有霽雨泛波濤渺焉成淵湫不知未治時何處窮
澤藪美哉德遠矣到今賜實受摩挲營窟蹟緬懷決排手春
秋薦蘋蘩社臘潔尊自西蜀與東粵蔚爲三不朽恨無謫仙

筆壁窠鑊巖首出穴慨焉顧浩浩滄浪走

甲口鎮

望外楚山碧巖疆一水收圖經傳甲口地勢入秦頭兩戒雄
南服千年壯上游欲詢庸漢蹟錫穴暮雲稠

秦瀛

字凌滄號小峴無錫人乾隆三十九年舉人四十一年

召試賜內閣中書官湖南按察使有小峴山人集

蒲褐山房詩話錫山秦氏素以事功經術見稱至對岩學士始擅詞章有蒼峴山人集故凌滄以小峴名集又雅生給事兄弟所著泉南山人有秦頭能接頭字系以及襄陽摩詰君為給事再從孫五言今古體具得其傳至七言古不宗范陸且體而微蓋其家學所未曾有也在武陵數年益以文章山水自任打金賢俊屢為詩酒之會刻前哲遺書又修望湖樓於湖上以供東坡修龍井寺旁隙地建祠以祀少游而詩文曰益進然世情蕭條難勤於吏治而素無官情湖南按察使不及一歲以病乞歸東南人士猶冀其復出也

循黃公憫至忍草菴二首

緣巖涉寒澗蒼蒼翠微遠偶因孤興發高林屢迴轉虛景重
湖深連陰衆峰變松間乳泉細竹裏餘風善幽鳥時一鳴不
知山深淺

茅茨蔭長松一龕鄰石壁欲問楞嚴字中有趺跏客清機滿
空虛幽篁弄寒碧夙懷清淨退淹留便終夕空山少來者惟
見麝麝蹟

遊管社山莊

石出寒流清幽篁映虛館微風叢際來空翠忽凌亂乳竇泉
脉動峭壁烟華散坐深潭影移境轉山色換息機沙漠陰歸
舟復三歎

中秋起坐望月

夢覺山窗明下堦整衣帶石泉散清影涼月森松檜衆響一

已寂澄心與之會獨無邛中琴何人賞絃外

秋夜報恩道院與青谿別

街鼓通嚴城竹院鐘魚靜了了潭上月照見石髮冷夜寒人未棲露下鶴先警溪橋一分手落葉迷歸影

山家

芒屨踏寒雲路徑翠微裏秋林橫短笱人家映清泚炊烟殊寂寥山翁出門矣日暮鶴歸巢高風落松子

漁舟

離鴻下秋水谿色相與暮泛泛何所之浮生本無住一棹入烟叢笠上松陵雨

渡江有懷

江雲漠漠生遙指西津渡故人昨夜別何處還相遇打槳入

寒潮月上蕪城樹

呈竇東臯先生二首

微言旣以絕六經尙訓詁卓哉毛鄭徒於世實初祖後儒聚
訟繁立說多齟齬夫子起東海學術靡不舉精微穿奧窔洞
達闢牖戶私智匪所矜卮言固無取下以詔來茲上以宗鄒
魯媿彼捫籥流其識等瞽瞍

雕蟲本小伎章句良足愧然而尼父言文邇載道器六經旣
云亡飢餓及五季孟縣實起衰選言庶精粹吾師辨流派大
小入睹記少步翰墨場力拔班馬幟絢爛歸淡泊文至道亦
至不材殿門牆負劍驚辟咤祭川必先河登堂務齎誡卓然
羣倫倡斯文賴不墜

易綱武

振觚學文字漸熟漸老成術業苟弗專厥莠初由精治文如
攻玉磨琢神迺瑩治文如冶金陶冶生光晶羣言入鑑鑷六
籍儲菁英斯詣貴深造匪曰旦夕程汝今務帖括筆力頗縱
橫惟苦所涉淺腕底疵類呈沙礫混精鏐硃硃雜素瓊勉施
更力學日邁月斯征技果進乎道豈獨取世榮

勗細文

汝齡今十五未解習文史須知志學年年已非穉齒奈何更
不學悠悠負長晷先王重四民四民莫先士詎惟弋高科將
以通萬理人生天地間無如讀書美慎勿生厭苦咀之味愈
旨吾家數百年弓冶只此是我貧無所貽貽汝一經耳過時
而不學後悔不可止斯事不若人當引爲已取力學如力農
耕耨自茲始

寄述庵先生

雲棲古蘭若江上鬱崇嶺絳笈穿窬窳墮地碧雲冷公本住
世人來宿招提境此時寒山空禪燈一龕靜知公萬想滅獨
禮金粟影心與渾泉清道契巖月罔我今嬰世務塵慮安得
屏緬懷繕性者聞鐘發深省

五人墓

茄花滿地紅委鬼當頭坐趙媿王聖何披猖釣黨東林逮楊
左緹騎四出來吳門吳門白晝風霾昏大聲東廠索人急銀
鐐鐵鎖聲脛墮五人踉蹌趨大府號呼欲救周吏部張拳奮
臂雷電掣緹騎紛紛竄如鼠偕問大府誰義兒毛巡撫飛章
告變誅五人延頸從容甘鎖斧嗚呼五人市僧徒一旦赴義
同捐軀死隨吏部化厲鬼披髮上訴鋤閹奴累累高塚武邱

路歲歲棠梨酒一盃君不見碧雲寺舊是衣冠墓處墓碑
百尺委荒榛惡鴟空叫斜陽樹

髯仙行吊劉丈思茗

吾鄉劉思茗先生老而不遇以詩聞於時丙申秋余
之官京師與先生別既晤兵曹王西園表兄知先生
於是冬病歿兵曹作髯仙行哭之先生固髯也余素
識先生情何能已

伯鸞溪上烏啼樹風月湖山問誰主蔓草空悲白社人衰楊
徒泣青山雨憶從束髮識髯仙飄飄意興凌秋煙看花幾着
阮孚屐載酒頻呼范蠡船中間落魄安可說郢門夜雪金臺
月章句從教老布衣功名只看添華髮浩然歸去百不憂
一髯一笑同浮漚問字侯芭推著述閉門蔣詒風流自昔賢

壇數才調三劉伯仲誇雙妙

劉震修先生兄弟嘗與先官論唱和碧山吟社

蘭成况似庾肩

吾子敬寧輸王逸少

先生父松根先生長於詩

近來老輩頗凋零滿船不作雙

扉肩

華滴船先生於先生為中表亦工詩去年病歿

空餘破卷留殘蠹已悟浮生比斷萍那

堪歲晚京華住凶耗傳來重歎逝可憐吟斷鮑家詩化作黃
壚數行淚

期齋以水仙倡和韻冊索詩輒題長句

君本江南客最憶江南花衙齋手種得幾本雪霜翦翦含春
葩幽香一盞浸春水寒壓冰魂呼不起夜深化作白雲飛飛
入琴心七絃裏七絃泠泠清復清月中仙佩來瑤京何人貌
得蕭騷致長與詩客聯芳盟我為看花情脉脉家住江南歸
未得一枝合薦水仙王西神峰下寒泉碧

為錢秋濤太守題出塞圖

高秋大漠邊草枯波羅

地名

九曲蒼鴛呼磨巖竄谷虎交徑涼

颺獵獵飄黃蘆憶昨扈

驛出古塞與君結隊同馳驅塞山

莽莽塞雲黑朶顏一角秋模糊橫鞭遙指畫眉嶺山石礮礮

還縈紆斜日欲落忽照眼楓葉亂綴紅珊瑚河流決滂不敢

渡我方竚立空踟躕看君策騎意殊壯吟石高聳掀髯鬚健

兒袴褶躍馬後手射犂血彎雕胡下馬招余恣拍飲燈明列

帳傾醞酬君今去作八閩守甄越南歷無諸郭蘆門徑溪互

環暎島嶼百怪森噓囓時平海國樂耕織黃堂靜鎮民歡愉

僧繇妙墨虎頭筆爲君更寫褰帷圖

晉磚和謝蘇潭方伯

方伯廨舍得古甌永平二字分明鐫院江胡君

虔

爲考定謂

是晉惠之記年牝雞司晨鐘虺環金鑄兆禍紛戈鋌銅駝夜

泣委榛莽維陽宮闕犁爲田典午距今歷千劫金石銷泐希
流傳茲輒塹出誰手迺不變滅隨雲烟苔紋斑爛土花繡
剝剔一字不刊輒厚二寸長以倍光氣煜煜蛟螭纏得一
未已且得八羅列直擬羲父全主人舊是八輒客玉堂視草
稱神僊揮毫作歌頃刻就妙翰親灑鴉青箋畫長高齋出示
我蛾眉隱隱明蓬巒銅缸積水墮紅雨花架十丈薔薇嬌近
人好事侈嬖雅翁學士外孫汪與錢邦未央上林卯金製瓦
當無數傳長安其間質鼎頗雜出傳會往往勞言詮主人嗜
古得真古千秋五鳳同寶旃他時採入武林志更煩洪适成
新篇

訪徐石漁于沙邨精舍

興至輒相訪百年耆舊存鬚眉看角里橡栗老羌邨微雪鴉

爭樹斜陽客到門盤餐期信宿晤對戀清樽

智海禪院夜坐

三月祇園住蕭然遺世情夜深松露滴夢與佛香清隔院聞鈴語空堦來鶴鳴維摩有真諦擾擾媿吾生

十三山

絕壁插空冥邊門未了青千尋蟠北戒一氣落東溟松杏看培塿展禪作枕屏何年此開鑿吾欲問圖經

碧雲寺

入寺鬚眉綠曉雲衣上生天浮雙塔迴石與亂泉爭雨後藥苗長林邊山鳥鳴言尋翠微去前路有鐘聲

獨山門

在太湖口

門束太湖水危湍獨一峯山會經禹鑿石不受秦鞭日落龍

鼉渚秋高鴈驚天目窮三萬頃好放洞庭船

送陳桂堂守辰州二首

頻年同省闈相送楚江西關砦連三戶雲煙入五谿觀風雜
夷獠行部徧畊犁公暇攤書坐官齋聞竹雞
君去逢衡鴈三湘木落時秋風武侯壘夜雨竹郎祠夢逐辰
江遠書探酉洞奇故人思曼在傳語寄相思

金陵懷古

神異會傳伐荻洲金陵王氣未全休楊蒲草澤英雄在瓜豆
中原割據秋太息北人思飲馬可憐南國唱符鳩白門又報
收袁粲付與遺民怨石頭

壽陽白馬近臺城選佛齋壇戲不成龍瀆西來傳舊語犀軍
北顧散空營七官無術能匡難五月何人爲解兵不獨江南

悲庚信茂陵腸斷沈初明

由崑山至青浦舟行墟落間卽事

秋色東南正渺然一帆疑葉下吳田柴門流水微通逕細雨
斜風不滿船晚飯真宜舵樓底清樽重憶草堂前玉山回首
匆匆過遙指茸城又夕烟

余宦遊六年故鄉交舊零落殆半感念存歿因繫以
詩

少日交游共賤貧草堂燈火話悲辛招魂地下多新鬼薄宦
天邊少故人白祖秋風沙上劫黃墟夜雨夢中塵他年絮酒
西郊路隣篴蕭蕭涕淚頻

中關行帳觀返照和鮑雅堂韻

層巒岡嶺擁一關晚霞低冑夕陽斑雅翎黃掠晴原樹螺髻

青迷大漠山地抹昏烟千帳外天橫秋色亂巖間西來更指
興安嶺古蹟蒼茫是朶顏

重九日廣寧道中作

塞上孤城倚大荒搖鞭無語對斜陽十年田里蕪三逕九日
邊關少一觴晚晚年華看菊蕊別離兄弟檢萸囊白雲攔斷
登高眼不許愁人更望鄉

北鎮廟

巨鎮嵯峨倚碧虛蒼蒼一抹走徐無虞封圭幣尊荒域遼塞
山川扼上都畫壁風雲羣后會空堂日月萬靈趨東丹遺蹟
今誰問寂寂松杉鳥自呼

津門秋感

薊北霜寒上敝裘瓦門關外客登樓中年親串多華髮此日

山河又暮秋葉落雍奴笳吹動雲迷碣石鴈聲愁飛揚跋扈
平生志盤空終當萬里游

平沙獨立感蒼茫濁浪溇沱落日黃鄉里未能乘下澤侏儒
久已笑東方揭來燕趙悲歌地欲問邯鄲挾瑟倡馬客幽州
最無賴壚頭日日醉干場

西風蕭瑟角飛城北望長安秋氣清俠少短衣誇射虎通侯
小隊試彈箏依劉有客悲王粲諭蜀何人似馬卿辛苦西南
諸將帥荷戈今日尙論兵

時四川
未平

黃金笑兀暮雲封郭隗於今未易逢塞上寒烟橫獨鹿天邊
秋色隱盤龍鯨魚吸浪生鱗甲海鳥迴風怯鼓鐘江上季鷹
無恙在五湖歸去擬相從

吳蘭庭

字胥石歸安人乾隆三十七年舉人有南雪草堂詩集

蒲褐山房詩話胥石為吳興修大受高第弟子少以文名吳越壯遊燕趙多舊深清健之作年六十餘流寓京師與仁和吳君龍崎長元齊名時號二吳胥石有五代史纂誤補四卷長元有跋垣志畧十六卷胥石在京師嘗寓馬場橋修集梧家既南歸又寓秦泉使瀛署中詩四卷句如亂泉噴飯句荒墅綴疎花柳痕收閣翠花氣酒船香晴烟融碧樹小雨漲紅湖春旗絲雨潤水市曉風腥夢易風引維荷浦雨晴陽星光寒墮水樹影遠隨人歸簫寒食節絲雨杏花天鶯花成昔夢烟月歎浮生梅扶老態猶含舊草酸柔情未破夢山色當門朝旭麗松聲滿院夕陰寒被酒並餘盤馬地乞花同泛釣魚船愁髯欲是還作客長途無日不登高皆耐人諷

柏井驛

天風吹縹緲徑挾山百折我行秋方中寒氣已凜冽兀兀有
虛警短夢作復輟初日出東方人馬同欣悅不辭登陟勞屢
見土風別山要亘疎烟居人乃窟室戴履俱后土一竇洩天
日蟄蟲坏其戶動物宜羸物古民既陶復隙地亦甌脫聚族
得棲止此言生且活樸野無物累愧我身世拙回首彌忡忡

窮途畏顛蹶

韓信嶺

一逕走峻坂，岨壁若環衛。行行漸幽默，如入永巷內。日御歷
線天，見午不見未。亂山渺木石，蠢蠢唯積塊。堆阜忽俯瞰，突
兀壓我背。脉疎質已離，若然恐其墜。勢險比巖牆，疾驅思縱
轡。却怪繞馬首，抗行斷復綴。保無或偶然，適與旣機會。頗聞
漢韓侯，奮蹟致高位。一蹶中危法，乃爲兒女賣。詎伊非英豪，
良由味進退。卽今弔荒塚，行客發深慨。凜凜抱微軀，羈孤彌
自貴。

園樹

園樹陰初匝，池荷香不收。薄涼先在水，疎雨忽疑秋。入世方
桃梗，依人只蒯緱。可堪牢落意，獨對小庭幽。

村家

清景銷煩暑披尋午睡餘
柳風驅犢健槐雨聽蟬疎
矮屋門雙扇平橋水一渠
村家塵事少便擬卜鄰居

蒹葭

渺渺愁心結淒淒極目同
江湖勞遠夢身世怏秋風
危榭波平檻孤舟雪打篷
蹉跎余有恨相對此衰叢

過文石山房有感牧園先生

安昌絃管最風流池館荒涼幾度秋
豈有虎賁憐北海空餘馬策慟西州
他年國士誰青眼此日書生已白頭
瓠落自慙知遇厚一尊重與酌松楸

趙希璜

字渭川惠州人乾隆三十九年舉人官安陽知縣有四

百三十二峯草堂詩鈔

彩雲軒晚眺

雨色圍春住
龍孫解鋒肥
當軒崖仄立
搏石水斜飛
嫩綠生新草
殘紅送落暉
山家饒樂事
花外掩柴扉

自題羅浮烟雨圖

不忘穉川約
尋春跨蹇行
山頭羃烟雨
天氣乍陰晴
遠樹森森立
流鶯恰恰鳴
敲詩露癡態
人盡笑狂生

鴈

紅葉滿滄江
寥天鴈一雙
秋澄黃荇月
夢醒碧蘿窗
古渡片帆落
疎鐘何處撞
蟲聲還泣露
悽絕對殘缸

留別馮魚山太史

那堪潦倒老
京華
魂繞羅浮處
士家炊熟黃精
山月上霞衣

縹緲踏梅花

玉堂金馬位君身我逐浮名失我真拋卻山中好風景青山
早已笑詩人

高文照

字潤中武康人乾隆三十九年舉人早卒有闔清山房

詩錄

蕭禍山房詩話謂中以選拔來京應試適子隨侍木蘭未與相晤留詩而去及從
塞垣歸潤中則已下第南還久之中式寓于清湖某公家教其子弟時在蜀中
及遭病將革謂其門人曰我雖不得受業于王公而刻我詩集必求其序及丙申
子返京師其門人具述前言屏為感嘆因作序貽之又二十餘年閱其集已刻於
荅溪以子文冠其端然亦未見刊本姑就其所錄者錄
之至其詩風發泉湧言之高下皆宜佳者固不盡於此

能仁寺看梅

雲消烟岫青雨止風潭碧侵晨步祇園鳴鐘花外隔精廬掩
修簾小磴通雙屐討春憇白堂方丈名世界一時白林深雜鳥

一笑還破禪落英紛點額

泊丹西冷橋步入棲霞嶺

青山久招要幽討阻孤往枯筇勝侶俱登岸頓心爽初塗稍
坦夷仄徑漸嶢嶢榛荒日屢顧峯陡面恒仰扶欄足小駐遠
近景羅掌湖光蕩日圓雙眸豁虛朗雲來苔磴濕泉吐松根
響暢此塵外蹤遽作天際想翦茅定何年佇辦芒鞋兩

秋日放舟玉湖尋上下釣魚山

水落積氣空澄烟乃如練整棹出寒城孤光亘湖甸林迴微
徑折天霽層峯見一洲蘆雪晴衆塢楓霞變澄波吟擊揖風
水忽相濺捨舟蹕斷磯巉巖聳遙盼亭亭車蓋陰瀾瀾浮玉

面橫岡遂逶迤密樹入葱蒨雲歸渚疑沒日落山逾絢孤松
倘可巢吾將垂釣綬

客夜獨酌二首

新月皎河漢涼飈襲輕襟故園在茲夕竹柏團階陰離家遠
行邁愀然遊子心霜籬多萎條風樹無安禽時物亦已換惆
悵雙魚沉天涯一樽酒此時相酌斟

夜坐覺秋永殘雨入蕭散獨飲醒意多寒來不能斷隣鐘聲
漸動壁燄燒微短白露滿簾衣幽人在虛館

打冰詞

飛來一丈天山雪截斷長河堅入骨要與冰厓角兩椎連檣
椎破魚龍窟細冰戢戢凝復開大冰突兀如山來峻嶒一望
不見底三老長年如死灰船頭日暮亂篙舉倒射船腮作飛

雨前船不動後船聚今夜仍須永裏住

聞笛

東堂微雨歇涼月上空林高枕憺無寐蒼龍何處吟商飈驚
暗至河漢欲西沉記得雙江郭扁舟此夜心

紅豆

南國相思樹盈盈傍岸紅收當經細雨歌想按春風玉合開
頻數上珊瑚碎略同可能遙寄與骰子意玲瓏

晚歸丁家山下

片月當杯出蒼山擁棹歸蓮塘孤鷺暝柳陌斷蟬稀入浦歌
聲杳迎風酒力微水仙祠下路一磬扣禪扉

贈葉秀才正始

詩

此邦耆舊彫零後未斷心香見此人邱壑棲遲身竟老文章

流別世誰論許渾風月歸丁卯周密叢殘志癸辛家世石林
應好在幾時同作碧山

石林築室卞山
自號石林居士

嵇公祠

嵇公諱永仁無錫人范忠貞公幕僚同日殉節

弓刀一跨便從軍草檄才高入幕賓豈謂黑頭公輔器翻成
碧血侍中身臧洪赴死原同日許遠圖勛合並倫咫尺靈旗
風雨集年年廟食配張巡

移家三首

屈子何煩賦卜居井泉近處卽吾廬突黔不暇虛安竈家具
偏多爲載書投刺了無新賀客遺榮猶有舊懸車門前一段
鷗波漲領得頭銜是老漁

陰囊畫篋蠹橫陳幾日安排覺斬新明月仍來耘老閣青松

又結趙家鄴

余新居與松雪齋對

借他美蔭尊須設移得名花屋不貧

移栽

大牡丹花二株

雞犬寂寥奴婢少免教圖畫笑詩人

當年辛苦話誅萌

余屢卜居禾中不果

計拙依然誰作巢差喜比鄰懷蟋

蟀肯嫌在戶詠蠨蛸蓬蒿點綴空閒徑猿鳥稀疎坐近郊夢裏金陀坊畔路寄聲林水漫相招

寄遠

瑤琴愁撫十三徽彈到思歸淚滿衣賴是天南霜雪少相思不用理寒機

泊海溪寄沈五

欹帆小雨易黃昏風色蕭蕭獨夜邨可道離愁是溪水舊痕才退又新痕

陪薛太史暨嚴大秋霞泛舟南湖登烟雨樓二十韻

兩槳伊啞破曉烟四圍渟碧浸遙天
蜃蜺樓閣空濛裏螺畫
峯縈杏渺邊不雨不晴常潄池非風非水互淪漣
狂遊自約
登瀛侶二客還隨羽化僊境眩菰叢遮眼密情多菱角刺衣
穿黃消霧柳雙眉皺綠約風萍一鏡圓
瞥過輕鴛騰藻繡驚
心法象現重蓮桂花落後門空鎖柿葉垂時墨尙鮮
鴈齒排
橋彎似月龍頭裝屋小於船灑來
僊勝榮三接賦就花陰

記八軼

壁間微餽 御製詩
具撫臣廷育奏聯句

絕島豈空人間渡閒波應許鷺分眠
層

層曲榭鋪吟席往往清宵門管絃蓮唱半飄僧枕上漁燈都

到酒樽前湖誇西子徒爲爾宅泛鴟夸不偶然舊事戒提千

載恨新聞好紀五朝編

考輞南樓記知
樓址始自五代

得同汾蟹松鱸興重述嘉

禾瑞繭年痛飲歡勞鑑折腳叢殘話潮地由拳一灣水繞前

生夢三過蹤留此日賢秋老潭蓉紅欲滴歸遲沙月白堪憐

移家準擬從公住只少千金圩上田

溫恭

字荔坡福建永定人乾隆三十九年舉人今官青浦知縣有蜀行偶草

過彭澤縣

落日嶺頭樹秋風江上城斷崖連埤現孤嶼倒空明幸出三
巴險誰憐萬里行今朝下彭澤懷古愧高情

五頂關

懸巖峭壁水潄潄路入寧羌五頂關直北雲堆秦塞樹依南
猿嘯益州山石經血濺餘兵氣雨帶風涼滌客顏休問此行
緣底事驟聞十萬餉戎間

宿陝石驛次壁間韻

宦游遑惜鬢毛斑轉餉來過硤石間今日逢人問巴蜀何時
飛度劍門關

吳錫麒

字聖徵號穀人錢唐人乾隆四十年進士官祭酒有有
正味齋集

蒲褐山房詩話浙中詩孤自竹垞初白兩先生後二十餘年大宗太鴻起而振之
及兩公祖謝嗣音者少可成以雲蒸霞蔚之文合雪淨冰清之作馳騁藝苑獨出
冠時既工駢體尤善倚聲而詩才超越直繼朱查抗厲之後宜中外望之指爲景
虞也情殷護惜乞假南還雖未卽安於閑適而世已以白晁兩太傅相期性好溪
山流連詩酒青簾盡舫綠茗紅衫游
筇所造無不承蓋扶輪掃門納屣

坐柏渡遇雪

孤帆若無依飄飄就寒浦豈有行役勞及茲感凄苦冥舍林
氣肅凍結石稜古積陰如趁人慘異變亭午疎聲表初雪繁
響雜飛雨叢蘆易蕭條豐篠極掀舞來檣雲際辨去鳥煙外

數棲止難預謀捷徑爾何取牽蘿懷美人會見茅茨補

桐廬道中寒雪初晴月色皎潔

扁舟屢沿轉不厭風水聽矧茲雪霽佳片月林外醒寒姿結
竊窕幽窻穿瓏玲雲歸微素合波往虛光停明明帆弄葉晶
晶晶開屏身在衆山中不知山色青巖端發清磬潭底搖疎
星桐君爾何人寂寞仙扉扃攜鋤采藥去歸來已千齡幽夢
求今夕雞唱天冥冥

泛舟出東新關至皋亭看梅

春風吹觴聲搖曳在烟際溯游從迴波謀野獲新霽柳條綠
已舒草腳青不細微微脫松雪稍稍出山髻前村暝逾深遠
樹明復翳徐聞鐘磬招願結瓶鉢契人來僧語熟月大寺門
閉三匝繞花身讚以妙香偈

黃土梁

斜日照行客一鞭歸轡敲陂陀望若平寒雲注虛砌石骨陷
其裏周以積土包荒荒怵真虎慘慘橫洩蛟登頓亦已疲豁
然見衡茅年豐畢婚嫁少婦方垂髻晴檐理針線念將新歲
交感我勞者唱詎免居者嘲

夜觀烏龍山野燒

松門月黑風亂旋山影下巖窓西偏非星而星山之巔幾點
初若流螢然升之樹杪紅燈懸俄而不見峰側穿條又見之
電掣同一峰尖湧亭亭蓮前峰後峰跗萼連其下一珠龍抱
眠烏龍不烏光蜿蜒赤龍衍衍欲上天是何草木當赭鞭百
蟲將軍與爾權爾生爾殺爾自專象以齒焚蘭膏煎蕉夢不
醒秋墳邊哀哉牧火遺荒阡禍并玉石成灰煙我惜山黛蛾

眉妍使彼濯濯誠何愆有酒欲溼術不仙安得倒挽山下泉
女丁婦壬驅爾駢遊山明日衣同褰

師子林歌

雄雷震空六甲驅空青塞戶陰模糊卷毛談舌形狀殊逃盡
虎豹豺狼龜諦視細細蒼苔鋪伏而不動非石乎陡回驚悸
生歡娛洞天咫尺開仙都中不百畝蛇纔紆五里十里盤崎
嶇前之升者猱附塗以踵摩頂仰可呼忽然索之又亡迤白
日在空午欲哺翻身跳入壺公壺四壁翠灑松雨麤松生石
隙老更腴不階尺土元氣扶松耶石耶德不孤石以松古青
逼膚松以石怪垂龍胡天風來往調笙竽滿身雲氣留斯須
出門與馬喧九衢胸中了了邱壑俱吁嗟乎胸中了了邱壑
俱千秋畫本思倪迂

題翁覃溪前輩方綱所藏唐泰山摩崖銘拓本

昔聞泰山封禪七十有二代千八百處勒石紛周遭浮雲倏
忽幻蒼狗遺蹟荒遠難爬搔祖龍紀德無德紀直以沒字欺
兒曹開元天子履乾位海內殷富忘飢饉登封擇吉臨渤海
圓壇五丈陳旌旄金雞唱日百靈集天門咫尺升煮蒿爲民
祈福本盛德煌煌玉冊何須韜禮成鸞鶴亦翔舞清響細戛
仙人璫羣臣稽首帝有喜永垂洪烈齊唐陶大書深刻一千
字力挽巨海迴波濤卽如銘詞典重亦似出燕許不然如椽
大筆誰能操謂將從此悲後患文云將多餘
功而後遂豈意先笑終號咷飛
霜殿上豬龍逃延秋門外鳴弓刀太平不告兵屢告燎柴火
煥烽煙高青驪遠去劍南道無復御馬登神皋秦松漢柏亦
何有回首泰山萬里空嶢嶸我昨渡河來望遠心魂勞未臨

日觀觀突兀每指雲闕思翱翔側聞此碑椎拓洵不易梯空
上似懸藤猱玉堂仙人何年得此本販來美錦誇蒲萄高凡
三丈濶一丈背負那不煩靈鼈縱觀何異篲刮目八分妙理
窮秋毫平生懷古感興廢雲烟過眼增怱怱東鵲西鰈亦何
取銘功表德徒稱襲中興之頌摩崖早靈武君王又拓袍

辛丑十月移居蒲褐山房卽趙天羽給諫寄園故址
我本識字耕田夫一椽家住錢塘湖自從釋褐注朝籍破屋
久向長安租一年官俸抵不得打門那免人追呼中庭更無
草木映如人面目先焦枯昨晨過客爲我說有屋乃在城西
隅寄園名字耳所熱况復價減千青蚨天寒手指凍欲裂移
家連日忙妻孥莫謂先生家具無有酒在甕書在厨蹇驢一
頭車一輛從以赤腳長鬚奴入門老樹相顧笑此間去住皆

酸儒趙家給諫老著述墨痕四壁常沾汙當時談空說有處
滿窗落葉啼飢鳥後來名士尤作達於此但結文字娛村夫
子相誰不識今朝又入移居圖牆陰手剔故人迹尙剩健句

追歐蘇

壁間有蘇東坡
臆移居詩五刻

先生自喜道不孤檢書插架酒注壺飲酣

一吸盡江海歌罷萬籟調笙竽人生大抵如寄耳能寄所寄
惟吾徒欲從莊叟論齊物誰信柳子非真愚來春坐待花樹
發繁枝壓屋清陰鋪開簾無事已把卷何必更憶秋江鱸

移居以來同人多以詩酒相招醉後成篇仍用前韻

三家村住非村夫

往時王蘭泉謝楚魯翁聚談諸祠與兩
前輩此鄰居此向人有三家村之目

詩人豪氣吞江

湖滿城風雨自吟咏閉門不怕人催租十年舊事等雲散求
友但有禽聲呼我移家來已歲暮蒲萄一架虬藤枯林間殘
雪未融釋瘦日初上東南隅請隣尙少莠後酒迎富那得飛

來蚨何如西湖處士宅梅可作妻鶴可孥先生自笑長物無
炊烟不起塵滿厨東家西家邀我飲紛紛折簡來奚奴酒酣
耳熱不得意高談座上驚庸儒玉缸惜少翠袖捧醉墨不顧
青襟汗白東徂西歸路遠每聽城上三更烏捫心清夜無愧
怍能令衾枕生歡娛明朝僵臥亦何害一幅自寫袁安圖陽
春有腳無不到蟄蟲何口能昭蘇旁人莫謂意太孤萬事已
如冰在壺旁人莫謂宦太冷一官已任風吹竽詩壇一席置
狂客燕市五載稱酒徒得廬吾自愛所愛避熱誰信愚非愚
平生舊業相料理短榻尚有青氍鋪菜根齧得滋味足何必
頓頓思蓴鱸

西湖夜泛

水展琉璃箔人乘書畫船蟲聲千葉雨月氣一湖煙壞塔黃

妃劉清詩白傅傳勾留逢此夕半在耦花邊

庚寅春再赴嚴江同舍弟錫為舟中作

聽風兼聽水三度上江船遠樹盡寒雪一帆明夕煙人航高
隱地山媚早春天正擁羊裘坐嵐光墜我前
好句忽飛到與吟惟子出江山如昨夢兄弟此扁舟野水爭
灘上閒雲爲竹留他年翦燈話毋忘富春遊

尋春

蓬蓬渾不遠盎盎竟難名酒熟花初發天晴草亂生何來南
浦恨不盡夕陽情破得青山笑流鶯又一聲

吳淞道中

重到吳淞路清霜十月中蟹消諸鱸火蘆捲萬梢風柳色天
如接山眉畫最工夕陽容易落微剩柏林紅

讀放翁集

鐵馬金戈夢不成
熏爐茗碗寄餘情
蘇黃以外無其匹
梁益之間老此生
擊賊未忘垂釣日
臨終如唱渡河聲
長吟直與精靈接
千億梅花坐月明

初雪

爬沙一曲譜簾櫳
密灑斜飛態不同
對我青山蒙絮帽
待人粉本畫漁篷
濁醪已長前村價
黃葉纔空昨夜風
報與老農應色喜
鴉娘門外咒年豐

春草

東風吹得燒痕蘇
陌上青青半有無
十日雨晴熏蛺蝶
一江水暖長蘼蕪
淒迷如夢如煙裏
曉晚飛花飛絮俱
多少鷗鵲啼處
客年年腸斷洞庭湖

高接林巒低水濱風光一片屬芳辰但尋門巷渾無路豈爲
天涯減卻春塞北至今青塚在江南相望綠波新萋萋送別
先愁我不獨江淹是恨人

湖上看雨

青鞵纔得下桀臺忽響南山一道雷雙白鳥邊催陣起萬荷
葉上聽秋來涼生漁艇誰吹笛醉向湖光莫放杯眼底菰蒲
蕭瑟易水龍吟激暮天哀

題黃仲則遺詩後

謫仙樓上謫仙詩如此才華可惜之廿載風花龍出骨萬言
珠玉豹留皮美人黃土今生歇才子閒情若箇知想見一燈
秋雨裏通眉長爪苦吟時

虎邱三首

虎氣消沉鶴市荒東風容易客迴腸貞娘墓上年年柳畫了
春愁畫夕陽

水閣家家風幔開畫闌曲折粉塘迴冶香輕似落花過快櫓
瞥如飛燕來

看紅看白數花枝傳唱朱翁樂府詞一半櫻桃一半筍送春
天氣不多時

竹宅翁虎邱葉兒樂府
一半兒櫻桃一半兒筍

范來宗

字翰尊號芝巖吳縣人乾隆四十年進士官編修有治
園詩鈔

拈花寺早起

山居夢初迴晨曦未到嶺天地發清機但覺衣裳冷草濡蟲
亂鳴松高鶴爭警倚立巖石間游目聊一騁山外正酣眠何

人發深省

白雲泉和潘榕皋農部韻

昔日同尋勝今來獨品泉
鳥聲閒似客山意靜於禪
檻外留斜照鑪中有剩烟
未憂腰腳弱更結上層緣

法螺

登陟憑筇杖迴旋似結螺
修廊緣磴轉嵐氣染衣多
別自開丹嶂天然引綠蘿
願言頻過此安樂有行窩

唯亭小泊

一峯船尾送歸路晚蒼茫
風雪殘年短江湖獨夜長
雲寬全借水市小半連鄉
此地宜魚稻年豐樂未央

顧宗泰

字景嶽號星橋元和人乾隆四十年進士官高州府知

府有月滿樓詩集

魚臺舟中

荻花無數夕陽邊景物依稀入楚天
白板橋通沽酒市綠楊村聚賣魚船
水環棠邑民風古驛傍河梁客思懸
有河梁驛此夕看山認齊魯鄉園望斷轉淒然

登雞鳴山

蒼涼俯瞰建康城碧磴盤空到眼明
平楚殘霞開夕照後湖秋雨入新晴
閒雞埭古荒烟合射雉場空芳草平
景色最增羈客感千年陵谷動關情

司馬相如

琴心一曲感慙慙
酌酒還憐續鼻禪
底事白頭悲怨切
誰人更與賦長門

松陵道中

數聲欸乃下輕艫
飛動波心鷺幾雙
正是水牕高睡足
一天幽夢落楓江

曹錫齡

字受之號定軒汾陽人乾隆四十年進士官監察御史
送述庵先生 予告南歸

帝佐資碩德應運公爲輔中外久敷歷名臣勲業樹清風歌
穆如今復見吉甫昨歲古稀過致仕例援古杖國杖鄉身迫
遙遊化字况復江南濱疏傳喜接武謂辛楣先生獨惜典型去鴻
飛思遵渚花朝醉陶然流光春風舞一闌驪歌成寸心離緒

吐

李廷敬

字寧圃涪州人乾隆四十年進士今官松太兵備道有
平遠山房集

會昌登陸喜晴

江練澄朝霏林花耀旭景平沙晴愈潤烟草相與永歸雲赴
遠岫餘潏喧近嶺村途紆稻畦山徑抱樹瘦俗殊意難測禽
變心自驚扁舟三日醉幽夢乍一醒安得摩詰筆繪此獐獐
境

將至嘉應雜舟野泊却寄間波

麓斷山重起潮迴水欲窮溪雲深貯月石灘險生風別緒思
楊柳音書隔雁鴻今宵米家舫應泊鳳台東

韶州雜詩

一曲清江匯遙趨峽萬重孤城如島嶼二水會魚龍北嶺迴

秋雁南華隱暮鐘三龍非險阻從古入堯封
湘江亭外柳綰盡古今愁暮雨吳娘曲春風越客舟斗廻天
北極人去海東頭斜日關河暮殘鴉噪戍樓

除夕對酒

易醉屠蘇酒難爲爛湯歌南溟厭蛟蜃西楚尙干戈遲暮朋
儕少窮愁歲事多孤城對烽火今夕意如何
汐落東溟近城高北斗臨感時兄弟淚設醴友朋心洲橋何
須種旌梅不符尋已驚霜滿鬢歲月苦相侵

潞河舟行

黃葉聲繁雨脚斜輕舟宛轉避汀沙河流曲似穿珠蟻節序
忙於赴壑蛇去住關情秋燕子榮枯相倚野藤花一痕漸透
斜陽好欲染閒雲作絳霞

過汪研薌司馬秦淮小寓留飲兼示舊作

暇日相尋一舉樽
風光人比浣花村
羣山過雨青排闥
春水如苔綠到門
我拂垂楊驚聚散
君吟芳草自朝昏
奚囊滿貯驚人句
寄託深時不易論

嚴福

字景仁號愛亭吳縣人乾隆四十年會試第一官至編修

池上和韻

柳岸秋催老
蘭汀曉送香
雲沈菰米暗
雪散葦花涼
鏡水遊同勝
欹湖興共長
徘徊未能去
隔浦野煙蒼
乍歷三秋候
頻來一水鄉
魚遊渾可數
鷗狎久相忘
小徑畱寒草
流波蕩夕陽
陂塘清似畫
染就有微霜

題消夏圖

勝地堪延賞遙連太液波輕風荷氣遠斜照柳陰多書畫船
難擬蓬壺景未過寄情良有在不必擁笙歌

送汪雲壑修撰視學雲南

九重寵命擁華旂地紀烏蠻自漢年三策天人爭說董中
朝文物久敷演談經方見追前哲時述庵先生在滇把酒其如對別筵
爲想輶車吟眺處昆明山色晚蒼然

秋霜

瑟瑟金風到野塘板橋人迹漸蒼涼痕兼淡月千村白寒入
遙峯幾樹黃侵曉何曾畱竹瓦連宵已覺逼繩牀年來雙鬢
頻經點怕聽秋聲夜滿廊

潑火雨

賜火傳來滿鳳城
旋看細雨過前榮
輦燒破竈難禁濕
桺起新烟暗
憑輕三月風光烘
欲動五侯門巷
滴無聲卻因朱騎
塵飛後倍愛天街
景色清

宋思仁

字汝和長洲人諸生官至山東糧儲道有有方詩鈔

羊城懷古

兼弱秦功尙開疆
漢計勞地分三楚
遠嶺限百蠻高長
憶梅銷節終傳揚
僕豪興亡青史在
懷古首重搔

屈原故宅

茫茫湘水漾空虛
昔日靈均此卜居
秦地可曾亡六里
楚臣徒自放三閭
汀洲香草情難盡
岸浦丹楓怨未除
萬古旅魂招不得
長沙風景又何如

琵琶亭

雲山疊疊水悠悠獨倚孤亭正暮秋一曲清歌千載恨兩行
客淚四絃愁煙花蹤蹟傳前事詩酒風流紀舊遊今日我來
江上望尙餘哀怨滿寒流

水晶樓

綠窓碧瓦露初流下有梧桐幾樹秋萬頃湖光清似鏡不知
明月在高樓

陳繩祖

字組橋祁陽人監生官至廣東糧儲道有蒼溪游草

蒲褐山房詩話組橋爲文肅公六受次子世家華陽輒以盛滿爲虞及其兄開府
楚中卽析產別居且謝病歸高蘇州之水仙庵空然後卒爲所累奉母南還抑鬱
以卒宋弟雲述序其詩謂往來吳越間愛吳興山水清遠詩
簡澹溢徜徉白蘋紅蕖間自冬徂春拾屐所至輒成歌詠

錢山漢

纔過碧落湖卻入錢山淺錢山松雪殘稍稍青可望狹路窮
溪源臨流忽開曠午日泮輕澌吳檣壓高浪曖曖遠人村隱
隱樵舟唱羣峯莽迴合寒氣森相向似聞沙禽喧稍見漁艇
漾水國富蒲蓮居民避春漲余生楚澤濱茲游頗清暢倘住
下菰城餘年差可養

方等禪林去法華山里許爲汪氏家庵

言過萬松谷初入楊梅塢修竹隱疎花清泉帶芝圃畧約橫
深溪雞鳴辨山午絕境不逢人衣上時霑雨

明霞墓

小謁明霞葬此山魂歸猶自淚潸潸澄湖月落開妝鏡修竹
風微隱颿環慧業難消天意妬風情寧待老來刪春林自灑
啼鵲血腸斷游人日往還

王啓焜

字東白號秋汀嘉善人監生官至四川鹽茶道

水竹居集飲次玉厓韻二首

池館新開集勝流
簾櫳濃綠午陰幽
鸚鵡盟似雨聯今
舊萍漬隨風感去
畱醉倚鶯花三月
榭夢迴蝦菜五湖
舟俄聽隔水笙歌
細籠霧和香一片
浮

雪山西望曉疑烟
一曲春波花壓船
寶甌村醪頻削管

蜀中田家

多造甌酒以水蒸燕中插竹管吸飲之

盤餐園筍不論錢
詩情斟酌多餘味
官事消磨

少雜緣最憶比隣
還步屨

余別館巴山夜雨新即在屋北

每攜樽酒話燈前

湖海詩傳卷三十三